

ଏହି ମାନଙ୍କ ନିକଟକୁ ପଢ଼ି ଏବ଼ି ଲକ୍ଷ୍ମୀନର ଲଗେ ଚିଠି ଲେଖିଲାଟା

ଏ ବଇ ବିସଇରେ ଜାନ୍‌ବାଟା

ଏବ଼ି ବଇ ଗଟେକ୍ ଲକ୍ଷ୍ମୀନକେ ସାର୍ଦ୍ଦା କରାଇବା ଚିଠି । ପୁରୁନା ନିୟମର ବିନ୍ ବିନ୍ ବବିସତ୍ କାତା, ପୁରାପୁରୁନ୍ ଅଇରଇବା ବିସଇ ଏ ବଇଟାନେ ମିଲାଇବାର୍ ଅଇସି । ଏଟା ଗଟେକ୍ ଉପଦେସ୍ ଦେବା ବଇପାରା । ଇତି ପାକାପାକି ୭୦ ଅନି ଅଦିକ୍ ପୁରୁନା ନିୟମର ବିସଇ ଆଟେ । ଜନଟାକି ଜିସୁ କିରିସ୍ଟ କେନ୍ଦ୍ରିବାବେ ବବିସତ୍ କାତା ଆରି ଜିଉଦି ପୁଜାରିମନର୍ କରମ୍ ପୁରାପୁରୁନ୍ କଲା, ସେଟାମନ୍ ଏ ବଇଟାନେ ଆମେ ମିଲାଇବାର୍ ଅଇସି । ସେଟାର୍‌ପାଇ ଏଟା ଜିଉଦି ବିସ୍‌ବାସିମନକେ ଗଟେକ୍ ବପୁଦେବା ବଇ । ଜିସୁ ଜେନ୍ତାରି ରିଡିନିତି ମନ୍ ସାରାଇଲା, ଜନ୍‌ଟାକି ପୁଜାରିମନ୍ ଆରିତରେକ୍ କେବେ ବଲି ନ ଦେଅଡ଼, ସେଟା ଏବ଼ି ଚିଠିଟାନେ ଦେକାଇଆଟେ ।

ଜିସୁ କିରିସ୍ଟ ଅଇଲାନି ସବୁରକାମର୍ ପାପର୍ ବଲି । ଏଟା ଗଟେକ୍‌ତର୍‌କେସେ ସବୁବେଲର୍‌ପାଇ ଅଇସି । ଏବ଼ି ଜୁଗର୍ ବିସ୍‌ବାସିମନର୍‌ପାଇ ଏବ଼ି ଲେଖିଲା ଚିଠିଟାନେ ବପୁ ରଇବାଟା ଡିସ୍‌ଲାନି । କିରିସ୍ଟ ଆକା ଆମ୍‌କେ ପର୍‌ମେସରର୍ ସଙ୍ଗେ ରଇକରି ଜିଇବା କାଇବାଟା କିପାର୍‌ସି ଆରି ତାକେ ଆସାକରି ତାର୍ ସଙ୍ଗେ ରଇବାର୍ ଆରି ଇଣ୍ଡୁବାର୍ ଅଇସି । ୧୨:୨ । ଏବ଼ି ବଇ କେ ଲେଖିଲାଆଟଡ଼ ସେଟା ଏବେଜାକ ଜାନାପଡେନାଇ । ମାତର୍ ପଣ୍ଡିତମନ୍ ପେରିଡ଼ ପାଉଲ୍ ଲୁକ୍ ନଇଲେ ବର୍‌ନବା ଲେକିରଇବାଇ ବଲି କଇଆଟଡ଼ । ଏଟା କେବେ ଲେକା ଅଇଲାଆଟେ, ସେଟାମିସା କେ ନାଜାନଡ଼ । ମାତର୍ କେତେକ୍‌ଲକ୍ ଏଟା ଜିସୁକିରିସ୍ଟ ଜନମ୍ ଅଇକରି ୭୦ କିରିସ୍ଟାବ୍‌ଦରେ ଲେକିଆଟଡ଼ ବଲି ବିସ୍‌ବାସ୍ କଲାଇନି ।

ଜିରୁସାଲାମ୍ ମନ୍ଦିର୍ ୭୦ କିରିସ୍ଟାବ୍‌ଦରେ ନସ୍ଟ ଅଇଗାଲା,

ମାତର ଏ ଚିଚିଲଗେ ଲେକ୍‌ଲା ଲକ୍, ଏଟା ନ ନସ୍‌ଲାପାରା କଇଲା ଆତେ । ଏବଂ ଚିଚି କଇବାକେ ଗାଲେ ରମିୟ ନଅରେ ଲେକା ଅଇରଇଲା । ୧୩:୨୪ ଆରି ବିନ୍ ବିନ୍ ମଣ୍ଡଲିମନ୍‌କେ ବାଟାକରି ଦେଇରଇଲା ।

ଏ ବଇ ବିତ୍‌ରେ ରଇବାଟା

୧. ଜେ ଲେକ୍‌ଲାଆତେ ସେ ଜିସୁକିରିସ୍‌ଟ ଅଇଲାନି ପର୍‌ମେସର୍‌ ବବିସ୍‌ତବକ୍‌ତା ଦୁତ୍‌ମନର୍‌ ଟାନେମିସା ମୁକିଅ ବଲି ଜାନାଇଦେଲାନି । ୧:୧-୪:୧୩
୨. ଲେକ୍‌ଲା ଲକ୍ ମିସା ଜାନାଇଦେଲାନି କି, ଜିରୁସାଲମେ ପୁଜାରି ଇସାବେ ସେବା କର୍‌ତେରଇବା ଲକ୍‌ମନର୍‌ଟାନେ ମିସା ଜିସୁ ମୁକିଅ । ୪:୧୪-୭:୨୮
୩. ପର୍‌ମେସର୍‌ ମସାକେ ନିୟମ୍‌ ଦେଇକରି ତାର୍‌ ଲକ୍‌ମନର୍‌ ସଙ୍ଗେ କରିରଇବା ରାଜିନାମା ଟାନେଅନି ଜିସୁର୍‌ ସେବା କର୍‌ବାଟା ମୁକିଅ । ୮:୧-୧୦:୩୧
୪. ଲେକିରଇବା ଲକ୍ ଜିସୁକେ ସବୁକାମେ ମୁକିଅ ବଲି ବୁଜାଇଦେଲାଆତେ । ଆରି ସବୁର୍‌ପାଇ ଏ ଆଦେସ୍‌ ଦେଇଆତେ । ୧୦:୩୨-୧୩:୧୭
୫. ଲେକ୍‌ଲା ଲକ୍ ଏ ଚିଚିଟାନେ କେତେଟା ବିସଇ ମୁରଟିକିରି ରଇବାକେ ଆଦେସ୍‌ ଦେଲାଆତେ । ଆରି ଜୁଆର୍‌ବିଆର୍‌ ଜାନାଇକରି ଏ ଲେକା ସାରାଇଆତେ । ୧୩:୧୮-୨୫

ପଅର୍‌ ଲାଗି ମାପ୍‌ରୁର୍‌ ବାକିଅ

^୧ ପର୍‌ମେସର୍‌ ପୁର୍‌ବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସ୍‌ତବକ୍‌ତା ମନ୍‌କେ ପାଟାଇକରି, ଆମର୍‌ ଆନିଦାଦିମନର୍‌ ସଙ୍ଗେ କାତା ଅଇଲା । ^୨ ମାତର୍‌ ଏ ସେସ୍‌ କାଲେ ତାର୍‌ ପଅକେ ପାଟାଇକରି ତାର୍‌ କାତା ଜାନାଇ ଆତେ । ତାର୍‌ଲାଗି ଏ ଜଗତ୍‌ ତିଆର୍‌ କଲାଆତେ ଆରି ଜଗତ୍‌ ସବୁ ବିସଇର୍‌ ଉପରେ ତାକେ ଅଦିକାର୍‌ ଦେଲାଆତେ । ^୩ ପର୍‌ମେସର୍‌ ମଇମାର୍‌ ଉଜଲ୍‌ ମାପ୍‌ରୁ ଜିସୁର୍‌ଟାନେ ତିସ୍‌ସି । ପର୍‌ମେସର୍‌ ଜେନ୍ତାରି ଆତେ, ତାର୍‌ ପଅ ସେନ୍ତାରିସେ । ଜନ୍‌ ବପୁର୍‌ ବାକିଅ ପଅ କାତା ଅଇସି, ସେ ବାକିଅ ସଙ୍ଗେ ତିଆର୍‌କଲାଟା ସେ ସାସନ୍‌ କର୍‌ସି । ଆମର୍‌ ପାପର୍‌ ଲାଗି କେମା କରିସାରାଇଲା

ପରେ, ସେ ସରଗେ ବାଅଡ଼ଲା । ଆରି ସବୁରତେଇଅନି ବପୁ ରଇବା ପର୍ଯ୍ୟନ୍ତର ଉଦାବାଟେ ସାସନ୍ କରବାକେ ବସ୍ଲା ।

ପର୍ଯ୍ୟନ୍ତର ପ ମୁକିଆ

୪ ପର୍ଯ୍ୟନ୍ତ ତାର ପଅକେ ସରଗର ଦୁର୍ଦ୍ଦମନ୍ ଟାନେଅନି ମୁକିଆ କଲା ଆରି ସେମନ୍ତଟାନେଅନି ତାକେ ବଡ଼ ନାଉଁ ଦେଲା ।
 ୫ କାଇକେବଇଲେ, ପର୍ଯ୍ୟନ୍ତ ତାର କନ୍ ଦୁର୍ଦ୍ଦକେ ମିସା ଏନ୍ତାରି କଏ ନାଇ,
 ତୁଇ ମର୍ ପଅ,

ଆଜିଅନି ମୁଇ ତର୍ ବାବା ଅଇଲି ଆଟି,
 ତାର କନ୍ ଦୁର୍ଦ୍ଦ ବିସଇ ଏନ୍ତାରି କଏନାଇ,
 ମୁଇ ତର୍ ବାବା ଅଇବି ଆରି
 ସେ ମର୍ ପଅ ଅଇସି ।

୬ ମାତର୍ ପର୍ଯ୍ୟନ୍ତ ଜେଡେବେଲେ ତାର ପଶୁଆ ପଅକେ ଏ ଜଗତେ ପାଟାଇଲା, ସେ ଏନ୍ତାରି କଇରଇଲା,
 ପର୍ଯ୍ୟନ୍ତର ଦୁର୍ଦ୍ଦମନ୍ ତାକେ ସେବା କରବାଇ ।

୭ ମାତର୍ ସରଗର ଦୁର୍ଦ୍ଦମନ୍ ବିସଇନେଇ ପର୍ଯ୍ୟନ୍ତ ଏନ୍ତାରି କଇରଇଲା,
 ପର୍ଯ୍ୟନ୍ତ ତାର ଦୁର୍ଦ୍ଦମନ୍କେ ପବନ୍ ପାରା କଲାଆଟେ ।

ଆରି ତାର ଦାଙ୍ଗଡ଼ାମନ୍କେ ଲାଗ୍‌ବା ଜଇପାରା କଲାଆଟେ ।

୮ ତାର ପଅର୍ ବିସଇ ସେ ଏନ୍ତାରି କଇରଇଲା,
 “ଏ ପର୍ଯ୍ୟନ୍ତ ତର୍ ରାଇଜ୍ କାଲ୍‌କାଲ୍ ଜୁଗ୍‌ଜୁଗ୍ ରଇସି, ଆରି
 କେବେ ନ ସାରେ ।

କାଇ ଅନିଆଇ ନ କରି ତର୍ ଲକ୍‌ମନ୍କେ ସାସନ୍ କଲୁସ୍‌ନି ।

୯ ସଡ଼ ବିସଇ ମନ୍‌କରି ବିନ୍ ବିସଇ ଗିନ୍ କଲୁସ୍‌ନି ।
 ତେବର୍‌ପାଇ ତର୍ ପର୍ଯ୍ୟନ୍ତ ତକେ ବାଟ୍‌ଲାଆଟେ ।

ସେ ତକେ ଆଲାଦ୍ କରି
 ତର୍ ସଙ୍ଗାରିମନ୍‌ର ତେଇଅନି ଅଦିକ୍ ସନ୍‌ମାନ୍ ଦେଇ ସାର୍‌ଦା
 କରାଇଆଟେ ।”

୧୦ ସେ ଏନ୍ତାରି ମିସା କଇଲାଆଟେ,

“ଏ ମାପୁରୁ ଆରାମେ ଅନି ତୁଇ ଜଗଡ଼ ତିଆର୍ କରିଆରୁସ୍ ।
 ଆରି ତର୍ ନିଜର୍ ଆତେ ଆକାସ୍ ଆରି ତେଇ ରଇବା ସବୁଜାକ ତିଆର୍
 କଲୁସ୍ ।

୧୧ ସେଟା ସବୁ ମାୟା ଅଇଜାଇସି, ମାତର୍ ତୁଇ ସବୁଦିନର୍ପାଇ ରଇସୁ ।

ସେଟା ସବୁ ପୁରନା ଲୁଗା ପାରା ଚିରି ଅଇଜାଇସି ।

୧୨ ଲୁଗା ଦୁନାଇକରି ସଙ୍ଗଇଲା ପାରା ତୁଇ ସେଟାମନ୍ତକେ ସଙ୍ଗଇସୁ

ଆରି ଲୁଗା ପାଲଟନା କଲାପାରା ବାଦଲାଇସୁ ।

ମାତର୍ ନିଜେ ତୁଇ ନ ବାଦଲି କରି

କାଲ୍ କାଲ୍ ଜୁଗ୍ ଜୁଗ୍ ରଇସୁ ।”

୧୩ ପରମେସର୍ ତାର୍ କନ୍ ଦୁଡ଼ମନ୍ତକେ ମିସା କଏନାଇ,

“ମୁଇ ତମର୍ ଦୁଡ଼ମନ୍ତକେ ତମର୍ ପାଦ୍ତଲେ

ନ ସଙ୍ଗଇବା ଜାକ

ମର୍ ଉଜାବାଟେ ବସି ରୁଆ ।”

୧୪ ତେବର୍ପାଇ ପିଲାମନ୍ ସବୁ ରକଡ଼ ମାଉଁସ୍ ମିସି ରଇବାକେ

ସେ ମିସା ନିଜର୍ ସେ ରକାମ୍ ସିତି ମିସିଗାଲା, ଆରି ତାର୍ ମରନ୍ ସଙ୍ଗ୍

ମରନର୍ ଅଦିକାରି ସମ୍ଭତାନ୍ତକେ ବିନାସ୍ କଲା ।

୨

ବଡ଼ ମୁକ୍ତି

୧ ଆମେ ଜେନ୍ତୁକି ସତ୍ତାନ୍ତେଅନି ବିନେ ନ ବେଗ୍ଲୁ, ସେଟାପାଇ

ଆମେ ସୁନିରଇବା ସତ୍ତ ବାକିଅଟାନ୍ତେ ଡାଁଟ୍ ଅଇ ରଇବା ଦରକାର୍

। ୨ କାଇକେ ବଇଲେ ପୁର୍ବେ ପରମେସର୍ ସରଗ୍ ଦୁଡ଼ମନ୍ତର୍

ଅନି ଜାନାଇ ଆଟେ, ସେଟା ସତ୍ତ ବଲି ପରମାନ୍ ଅଇଆଟେ,

ଜନ୍ ଲକ୍ମନ୍ ସେଟା ମାନଡ଼ ନାଇ, ସେମନ୍ ଡିଣ୍ଡ ପାଇଆଟଡ଼ ।

୩ ତେବେ ଏନ୍ତାରି ରଇବା ବଡ଼ ମୁକ୍ତି ଆମେ ଏଲା କରିଦେଲେ

କେନ୍ତୁ ରକିଆ ପାଇବାର୍ ଅଇସି ? ଏ ମୁକ୍ତିର୍ ବିସଇ ପର୍ତମେ

ମାପୁରୁ ନିଜେ ଜାନାଇ ଆଟେ ଆରି ତାର୍ଟାନ୍ତେଅନି ସୁନିରଇବା

ଲକ୍ମନ୍ ତେଇର୍ ସତ୍ତ ଆମର୍ଟାନ୍ତେ ପରମାନ୍ କରି ଜାନାଇ ଆଟଡ଼ ।

୪ ସେମନ୍ ପରମାନ୍ କଲାଟା ସତ୍ତ ବଲି ପରମେସର୍ ମିସା ସାକିଦେଲା

। କାଇକେବଇଲେ ସେ ସେମନ୍ତକେ, କେତେ ରକାମର୍ ଚିନ୍

ଆରି କାବାଅଇଜିବା କାମ୍ମନ୍, ନ ଗଟ୍ବା ଗଟ୍ନାମନ୍ କର୍ବାକେ

ବପୁଦେଲା । ତାର୍ ମନ୍ କଲା ଇସାବେ ସୁକଲ୍ ଆଡ଼ମାର୍ ଦାନ୍ ମିସା

ସେମନ୍ତକେ ବାଟାକରି ଦେଇ ରଇଲା ।

ଜିସୁ ପୁରାପୁରୁନ୍ ବାବରେ ନରୁରୁପ୍ ଦାରଲା

* ପର୍ଯ୍ୟେସର୍ ନୁଆ ଜଗତ୍ ତିଆର୍ କର୍ସି । ଆରି ଆମେ ଜନ୍ ଜଗତର୍ କାତା କଇଲୁନି, ତେଇର୍ ସାସନ୍ କର୍ବାକେ, ସେ ସରଗର୍ ଦୁତ୍ତମନ୍କେ ବାଟିକରି ମିସାଏ ନାଇ ।^୭ କାଇକେ ବଇଲେ ଦରମସାସ୍ତରେ ଏନ୍ତି ଲେକାଅଇଆଟେ,

“ଏ ପର୍ଯ୍ୟେସର୍, ମୁନୁସ୍ କେ ଜେ

ତମେ ତାର୍ପାଇ ଚିନ୍ତା କଲାସ୍ନି ?

ଆରି ମୁନୁସ୍ ଏତେକ୍ ଇନ୍ ଅଇଲେ ମିସା

ତାକେ ଜତନ୍ କଲାସ୍ନି ।

୭ ତମେ ତାକେ ସରଗର୍ ଦୁତ୍ତମନ୍ର ଟାନେଅନି ଅଲପ୍ ଉନା କରି ଆଚାସ୍ ।

ସେମନ୍କେ ମଇମା ଆରି ଡାକ୍ପୁଟା କରିଆଚାସ୍ ।

୮ ସବୁ ବିସଇର୍ ଉପ୍ରେ ସାସନ୍ କର୍ବାକେ ଅଦିକାର୍ ଦେଇଆଚାସ୍ ।”

ଇତି ଲେକାଅଇଆଟେ, କାଇ ବିସଇ ନ ଚାଡ଼ି ମୁନୁସ୍କେ ସବୁ ବିସଇ ଉପ୍ରେ ସାସନ୍ କର୍ବାକେ ଦେଇଆଟେ । ଇତିଅନି ଜାନାପତି ଗାଲାନିଜେ ସବୁ ବିସଇ ତାର୍ ଅଦିକାରେ ଆଟେ । ମୁନୁସ୍ ଏବେ ସବୁ ବିସଇର୍ ଉପ୍ରେ ଅଦିକାର୍ କରେ ନାଇତା । ଏଟା ଏବେ ଆମେ ଜାନ୍ଲୁନି ।^୯ ଆମେ ଦେକ୍ଲୁନି, ଜିସୁ କେନ୍ତି ଚନେକର୍ପାଇ ସରଗର୍ ଦୁତ୍ତମନ୍ର ଟାନେଅନି ତଲେ ଅଇରଇଲା । ଆରି ଜେନ୍ତିକି ସେ ପର୍ଯ୍ୟେସର୍ଦ୍ ଦୟା ପାଇକରି ସବୁଲକର୍ ପାଇ ଜନ୍ ଦୁକ୍ କସ୍ଟ ପାଇକରି ମଲା, ସେ ମରନ୍ର ଲାଗି ଏବେ ଆମେ ତାକେ ମଇମା ଆରି ଡାକ୍ପୁଟା ଅଇଲାଟା ଦେକ୍ଲୁନି ।^{୧୦} ପର୍ଯ୍ୟେସର୍ ସବୁ ବିସଇ ତିଆର୍କରି ସଙ୍ଗଇଲା ଆଟେ । ସେଟାର୍ପାଇ ଜିସୁକେ ଦୁକ୍ କସ୍ଟ ପାଇବାକେ ସେ ଦେଲା । ଏନ୍ତାରି ଅଇ ସେ ସିଦ୍ ଅଇଲା ଆରି ଆମର୍ ବିତ୍ରେଅନି ବେସି ଲକ୍, ତାର୍ ପଅ ଅଇଗାଲୁ । ଜେନ୍ତାରି କି ଆମେ ମିସା ତାର୍ ମଇମା କଲାଟାନେ ମିସ୍ତୁ, କାଇକେବଇଲେ ଜିସୁ ପାପର୍ ତଣ୍ଟେଅନି ଆମ୍ବକେ ମୁକ୍ଲାଇଲା ।

^{୧୧} ସେ ଆମ୍ବକେ ପାପେ ଅନି ସୁକଲ୍ କଲାଆଟେ । ଆରି ଆମେ ଜେ କି ସୁକଲ୍ ଅଇଆଟୁ, ଆରି ଜେ କି ଆମ୍ବକେ ସୁକଲ୍ କରିଆଟେ, ନରୁଲକ୍ମାନର୍ ଗଟେକ୍ ସେ ବାବା । ଏଟାର୍ଲାଗି ଜିସୁ ସେମନ୍କେ

ବାଇବଇନି ବଲିକରି କଇବାକେ ଲାଜ୍ ଅଏ ନାଇ । ମାତର୍ ତାର୍ କୁଟୁମ୍ ବଲି ଡାକ୍ସି । ^{୧୨} ଜିସୁ ପର୍ମେସର୍କେ କଇଲା ଆତେ,
 “ମୁଇ ତମର୍ ସବୁଜାକ କାମ୍ ମର୍ ବାଇମନ୍‌କେ ଜାନାଇବି ।

ସେମନ୍ ରୁଣ୍ଡଲୀଟାନେ ତମ୍‌କେ ସୁମର୍ନା କର୍ବି ।”

^{୧୩} ସେ ଏନ୍ତାରି ମିସା କଇଲାଆତେ,

“ପର୍ମେସର୍‌ଟାନେ ମୁଇ ଆସା କର୍ବି ।”

ଆରି ସେ କଇଲା, “ପର୍ମେସର୍ ମକେ ଦେଲା ପିଲାଟକିମନ୍, ମର୍ସଙ୍ଗ୍ ଆତଡ୍ ।”

^{୧୪} ଇତି ଜନ୍ ଲକ୍‌ମନ୍‌କେ ପିଲାମନ୍ ବଲି ଡାକ୍‌ଲାଇନି, ସେମନ୍ ବନି ମାଉସ୍ ରଇବା ଗାଗଡ୍ ସଙ୍ଗର୍ ଲକ୍‌ମନ୍ । ଜିସୁ ମିସା ସେମନ୍‌ର୍ ପାରା ଗଟେକ୍ ଗାଗଡ୍ ନେଲା ଆରି ତାକର୍ ଗୁନ୍‌ଚଲନ୍‌ଡେଇ ମିସଲା । ତାର୍ ମରନ୍‌ର୍ ଲାଗି ସେ ମରନ୍‌ର୍ ଉପରେ ବପୁ ରଇବା ସଇତାନ୍‌କେ ପୁରାପୁରୁନ୍ ବାବେ ଆରାଇଲା । ^{୧୫} ଜନ୍ ଲକ୍‌ମନ୍ ମରନ୍‌କେ ଡରିକରି ରଇଲାଇ, ସେଟାର୍ ପାଇ ସେମନ୍ ଜନମେ ଅନି ଗତିଦାଙ୍ଗ୍‌ତା ପାରା ଅଇରଇଲାଇ । ସେମନ୍‌କେ ସେ ମରନ୍‌ର୍ ତଣ୍ଡେଅନି ମୁକ୍‌ଲାଇଲା । ^{୧୬} ଇତିଅନି ନିକ କରି ଜାନିଅଇଲାନି ଜେ, ସେ ସିରଗର୍ ଦୁଡ୍‌ମନ୍‌କେ ସାଇଜ କରେନାଇ । ତାର୍ ବାଦୁଲେ ଆମେ ଜନ୍‌ଲକ୍‌ମନ୍ କି ଅବରାଆମର୍ ବସ୍‌ର୍ ନାତିତିତି ବଲି ଏଜାଇଅଇଲୁନି, ସେ ଆମ୍‌କେ ସାଇଜ କଲାନି । ^{୧୭} ତେବର୍ ପାଇ ସେଟା ଦରକାର୍ ରଇଲା ଜେ ଆମେ ଜନ୍‌ଲକ୍‌ମନ୍‌କି ତାର୍ ବାଇବଇନି ଅଇଲୁଆରୁ, ସେ ସମାନ୍ ଆମର୍ ପାରା ଅଇରଇବାକେ । ସେନ୍ତାର୍ ଆଲେ ସେ ଆମର୍ ପର୍ମେସର୍ ଟାନେ ରଇବା ସଡ୍‌ସଙ୍ଗ୍ ଆରି ଦୟାସଙ୍ଗ୍ ରଇବା ବଡ୍ ପୁଜାରି । ସେ ଆମର୍ ବଡ୍ ପୁଜାରି ଅଇଲାକେ ଆମର୍ ପାପର୍ କେମା ଅଇଲା । ^{୧୮} ସେ ଦୁକ୍‌କ୍‌ସଟ୍ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ୍‌କି ଲକ୍ ପରିକା କରାଇଅଇଲୁନି, ଆମ୍‌କେ ସବୁକେ ସାଇଜ କରିପାର୍ସି ।

୩

ଜିସୁ କିରିସ୍ଟ ମସାର୍ ଟାନୁ ବଡ୍

^୧ ଏ ମର୍ ବିସ୍‌ବାସି ବାଇବଇନିମନ୍, ଜନ୍‌ଲକ୍‌ମନ୍‌କେ କି ପର୍ମେସର୍ ତାର୍ ଲକ୍ ବଲି ବାଟ୍‌ଲା ଆତେ, । ଆମେ ଜିସୁର୍

ବିସଇ ଅଲପ୍ ବାବିଦେକୁ । କାଇକେବଇଲେ ଜେଡ଼କି ସବୁ ବିସଇ ଆମର ବିସବାସର ଲାଗି ଆତେ, ତାକେ ସେ ପରମେସର ବଡ଼ ପୁଜାରି ଇସାବେ ପାଟାଇଲା । ^୨ ମସା ଜେନ୍ତାରି ପରମେସରର କୁରୁମେ ସଡ଼ ବାବେ କାମ୍ କଲା, ସମାନ୍ ସେନ୍ତାରିସେ, ସେ ମିସା ସଡ଼ ବାବେ ପରମେସରର ଆଦେସ୍ ମାନ୍ବାକେ ସଡ଼ ସଙ୍ଗ୍ କଲା ଆରି ପରମେସରସେ ତାକେ ବାଟି ପାଟାଇରଇଲା । ^୩ ଗରଡେଇଅନି ଗର୍ ତିଆରକଲା ମେସ୍ତୁରି ଅଦିକ୍ ସନ୍ମାନ୍ ପାଇସି । ସେନ୍ତାରିସେ ଜିସୁ ମସାରଟାନେଅନି ଅଦିକ୍ ବଡ଼ ବଲି ସନ୍ମାନ୍ ମିଲ୍ସି । ^୪ କାଇକେବଇଲେ ସବୁ ଗର୍ ମେସ୍ତୁରିସେ ତିଆର କର୍ସି । ମାତର୍ ପରମେସର ସବୁ ବିସଇ ତିଆର କଲାଆତେ । ^୫ ମସା ଗତିଦାଙ୍ଗଡା ଇସାବେ ପରମେସରର ଗରେ କାମ୍ କର୍ଡେରଇଲା, ଆରି ପରମେସର ଜନ୍ମଟା ଆଇବା ଦିନ୍ମାନ୍କେ ଜାନାଇସି, ସେଟାଆକା ସେ କଇରଇଲା । ^୬ ମାତର୍ କିରିସଟ ଅବ୍କା ଗତିଦାଙ୍ଗଡାସେ ନ ରଇ ଗଟେକ୍ ପଅ ରଇଲା । ତାର୍ ବାବାର୍ ଗରେ ରଇବା ସବୁ ଦାଇଡ଼ ସେ ସଡ଼ ବାବେ କଲା । ଆମେ ଜଦି ମୁର୍ଚ୍ଚିରଇକରି ଆସା କଲାଟା ମିଲାଇବୁ ବଲି ଜାଗିରଇଲେ, ତାର୍ କୁରୁମେ ମିସବୁ ।

ଇସପରର ଲକ୍ମନ୍ ପୁଣ୍ଡବାଟା

^୭ ସୁକଲ୍ ଆଡ଼ମା ଜେନ୍ତାରି କଇଲାନ୍ତି,

“ଆଜି ଜଦି ତମେ ପରମେସରର କାତା ସୁନ୍ସା,

୮ ଜେନ୍ତାର୍, ମରୁବାଲି ବୁର୍ଦ୍ଧ ତମର୍ ଆନିଦାଦିମନ୍ ମାପରୁକେ

ପରିକା କଲାଇ

ଆରି ତାର୍ ବିରଦେ ଟିଆ ଅଇଲାଇ,

ସେ ରକାମ୍ ତମେ ନିଜର୍ ମନ୍ ଆର୍ କରାନାଇ ।”

^୯ କାଇକେବଇଲେ ସେ ଜେଡ଼କି କରିରଇବା କାବାଅଇଜିବା କାମମାନ୍ ଚାଲିସ୍ ବରସଜାକ ଦେକ୍ଲେ ମିସା, ସେମନ୍ ତାର୍ ବପୁକେ ପରିକା କରଲାଗିରଇଲା ।

^{୧୦} ସେଟାରପାଇ ପରମେସର ସେ ଲକ୍ମନ୍କେ ରିସାଅଇଲା, ଆରି କଇଲା, ସେମନ୍ ବେଗଲିକରି ବିନ୍ ବିସଇମନ୍ କରଲାଗିଆତଡ଼ । ମୁଇ ତିଆରଲାଟା କର୍ବାକେ ନିର୍ଲାଇନି ।

୧୧ ସେଗାର ପାଇ ମୁଇ ରିସାଅଇ ସପତ୍‌କରି କଇଲି, ମୁଇ ଜନ୍‌ଦେସେ ପୁଣ୍ଡୁବାକେ ଦେଇତି, ସେ ଦେସେ କେବେ ମିସା ତମ୍‌କେ ପୁରୁବାକେ ନ ଦେଇ ।

୧୨ ତେବର୍ ପାଇ ଏ ମର୍ ବିସବାସି ବାଇବଇନିମନ୍, ଜାଗର୍‌ତାଅଇ ରୁଆ, ଜେନ୍ତାରିକି ତମର୍ ବିତ୍‌ରେଅନି କେ ମିସା କାରାପ୍ ମନ୍ ରଇକରି ପର୍‌ମେସର୍‌କେ ବିସବାସ୍ ନ କରା, ଆରି କେ ମିସା ଜିବନ୍ ରଇବା ପର୍‌ମେସର୍ ଟାନେଅନି ବେଗ୍‌ଲି ନ ଜା । ୧୩ ତମର୍ ବିତ୍‌ରେ କେ ମିସା ପାପରୁଲାଗି ନାତାଇ ଅଇବାର୍ ନାଇ । ସେଟାରୁଲାଗି ତମର୍ ମନ୍ ଆଁଟ୍ ଅଇଜାଇସି । ଆମର୍ ଜିଇବାକାଇବା ଦିନ୍ ସାର୍‌ବାଜାକ ଆମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଏ ବିସଇ ଜାଗ୍‌ରତ୍ କରାଇବାର୍ ଆଟେ । ୧୪ କାଇକେବଇଲେ ଆମେ ଜଦି ସାରାସାରି ଦିନ୍ ଜାକ ଆମର୍ ବିସବାସ୍ ଡାଁଟ୍ ସଙ୍ଘ୍ ଦାରିରଇବୁ, ସେନ୍ତାରିଆଲେ ଆମେ ସବୁଲକ୍ କିରିସ୍‌ଟର୍ ସଙ୍ଘ୍ ବାଗ୍ ନେଇ ମିସିକରି ରଇବୁ ।

୧୫ ଦରମ୍‌ସାସ୍‌ତରେ ଏନ୍ତାରି ଲେକା ଅଇଲାଆଟେ

“ଜଦି ତମେ ଆଜି ପର୍‌ମେସର୍‌ର ବାକିଅ ସୁନ୍‌ସା,
ତମର୍ ଆନିଦାଦିମନ୍ ଜେନ୍ତି ତାକର୍ ମନ୍ ଆଁଟ୍‌କରି ତାକେ
ବିରଦ୍ କଲାଇ,
ସେନ୍ତାରି ତମର୍ ମନ୍ ଆଁଟ୍ କରାନାଇ ।”

୧୬ ପର୍‌ମେସର୍‌ର ବାକିଅ ସୁନିକରି ମିସା ଜେଡ୍‌କି ଲକ୍ ତାକେ ବିରଦ୍ କଲାଇ, ସେ ଲକ୍‌ମନ୍ କେ ? ଜନ୍ ଲକ୍‌ମନ୍‌କେ ମସା ମିସର୍‌ଦେସେଅନି ବାର୍‌କରାଇ ଆନିରଇଲା ସେମନ୍ ନ ଅଥଡ୍ କି ? ୧୭ ଚାଲିସ୍ ବରସ୍ ଜାକ ପର୍‌ମେସର୍ କନ୍ ଲକ୍‌ମନ୍‌କେ ରିସା ଅଇରଇଲା, ସେମନ୍ କେ ? ଜନ୍ ଲକ୍‌ମନ୍ କି ପାପ୍ କରିରଇଲାଇ ଆରି ମରୁବାଲି ବୁର୍ସ୍ ମରିଜାଇରଇଲାଇ, ସେମନ୍ ନଅଥଡ୍ କି ? ୧୮ ପର୍‌ମେସର୍ ଜେବେ ସପତ୍‌କରି କଇରଇଲା ଜେ, ସେମନ୍ ତାର୍ ପୁଣ୍ଡୁବାଦେସେ କେବେମିସା ପୁରି ନାପାରତ୍, ସେବେଲେ ସେ କନ୍ ଲକ୍‌ମନ୍‌କେ କଇରଇଲା ? ଜନ୍‌ଲକ୍‌ମନ୍ ତାର୍ କାତା ନିର୍‌ତେ ରଇଲାଇ ସେମନ୍‌କେସେ । ୧୯ ଆମେ ଏନ୍ତାରି ଜାନୁ ଜେ, ସେମନ୍

ବିସ୍ବାସ କରନ୍ତୁ ନାହିଁ ପର୍ଯ୍ୟନ୍ତ ତିଆରି କରିରଖିବା ପୁଣି
ଜାଗାଇ ସେମାନଙ୍କୁ ପୁରି ନାପାଠ୍ୟାୟ ।

୪

^୧ ପର୍ଯ୍ୟନ୍ତ ଆମକେ କାତା ଦେଇରଖିଲାନାହିଁ, ସେ ଆମପାଇଁ
ଗଟେକ୍ ପୁଣି ଜାଗା ତିଆରି କଲାନାହିଁ । ତେବେ ପାଇଁ ଆମେ
ଜାଗରତ୍ ରଖିବାକେ ପଡ଼ିବ । ଜେଜିକି ଆମର ବିତରେ ସେନ୍ତାରି କେ
ନ ରଥଡ଼, ଜେ କି ସେ ଜାଗାଇ ପୁରିନାପାଠ୍ୟ । ^୨ କାଇକେବଇଲେ
ଆମର ଆନିଦାଦିମନରପାରା ଆମେ ମିସା ସୁବକବର ସୁନିଆରୁ ।
ମାତର ସେମାନଙ୍କ ସେଟା ସୁନିକରି ମିସା ମାନତ୍ ନାହିଁ, କାଇକେବଇଲେ
ସେଟା ସେମାନଙ୍କ ବିସ୍ବାସ କରନ୍ତୁ ନାହିଁ । ^୩ ଆମେ ଜେଡ଼କି
ଲକ୍ ବିସ୍ବାସ କରୁ, ଆମେସେ ସେ ପୁଣି ଜାଗାଇ ପୁରି ।
କାଇକେବଇଲେ ତାକର ବିସଇନେଇ ପର୍ଯ୍ୟନ୍ତ କଲାନାହିଁ,
“ମର ରିସାଇ ମୁଇ ସପଡ଼ କରିଆଟି ।

ମୁଇ ତିଆରି କରିରଖିବା ପୁଣି ଜାଗାଇ ସେମାନଙ୍କେ ନ
ପୁରି ।”

ଜଗତ୍ ତିଆରି ଅଇଲା ବେଲେଅନି ସେ ପୁଣି ଗର୍ ତିଆରି
ଅଇରଖିଲା । ଏଲେ ମିସା ପର୍ଯ୍ୟନ୍ତ ସେନ୍ତାରି କଇରଖିଲା ।
^୪ କାଇକେବଇଲେ ଆଟର ସାରାସାରି ଦିନର ବିସଇ ସାସତରେ
ଏନ୍ତାରି ଲେକାଅଇଲାନାହିଁ, “ପର୍ଯ୍ୟନ୍ତ ସବୁଜାକ କାମସାରାଇ
କରି ଆଟର ସାରାସାରି ଦିନେ, ଅଲପ୍ ପୁଣି ।” ^୫ ଆରି ଏ
ବିସଇ ବିନିଟାନେ ଲେକାଅଇଲାନାହିଁ । “ସେମାନଙ୍କ ମର ପୁଣି
ଜାଗାଇ କେବେ ମିସା ପୁରିନାପାଠ୍ୟ ।” ^୬ ପର୍ଯ୍ୟନ୍ତ ଜେଡ଼କିଲକ୍
ସୁବକବର ସୁନିରଖିଲା, ନିଜେ ବିସ୍ବାସ କରନ୍ତୁ ନାହିଁ ଆରି ସେମାନଙ୍କ
ସେ ପୁଣି ଜାଗା ପାଅଡ଼ ନାହିଁ । ତାରପତେ ପର୍ଯ୍ୟନ୍ତ ବିନି
ଲକ୍ମାନଙ୍କୁ ପୁରିବାକେ ଆଦେସ୍ ଦେଲା । ^୭ ଲକ୍ମାନଙ୍କେ ତେଇ ପୁରିବାକେ
ପର୍ଯ୍ୟନ୍ତ ଆରି ଗଟେକ୍ ବେଲା ବାଡ଼ିଲା । ସେ ବେଲା ଅଇଲାନି
ଆଜି । ବେସି ବରସ୍ ପତେ ପର୍ଯ୍ୟନ୍ତ ମୁଇ କଲାନା ବିସଇ
ଦାଉଦର ସାସତରେ ଲେକାଅଇରଖିଲା,
“ଆଜି ଜଦି ପର୍ଯ୍ୟନ୍ତର ସବଦ୍ ସୁନିଲେ
ତମର ମନ ଆଁଟ୍ କରା ନାହିଁ ।”

୮ ଆମେ ଏ ବିସଇ ମିସା ଜାନିଆରୁ ଜେ, ପର୍ଯ୍ୟନ୍ତ ଜନ୍ ବିସରାମ୍ ଜାଗାର ପାଇ ସପତ୍ କରିରଇଲା, ସେ ଜାଗା ଜିଅସୁଆ ଆମର୍ ଆନିଦାଦିମନକେ ଡାକି ନେଇ ରଇବା ଜାଗା ନ୍ୟ । ଜଦି ସେ ଜାଗା ସେଟା ଅଇରଇତା, ତେବେ ପର୍ଯ୍ୟନ୍ତ ଆରି ଗଟେକ୍ ପୁଣ୍ଡବା ଦିନର୍ କାତା ନ କଇତା । ୯ ସେଟାରପାଇ ଏଟା ସତ୍ ଆକା । ଆଟର୍ ସାରାସାରି ଦିନେ ପର୍ଯ୍ୟନ୍ତ ପୁଣ୍ଡଲାପାରା ତାକର୍ ଲକ୍ମନର୍ ପାଇ ଗଟେକ୍ ପୁଣ୍ଡବା ବେଲା ସଙ୍ଗିଆଟେ । ୧୦ କାଇକେବଇଲେ ପର୍ଯ୍ୟନ୍ତ ସପତ୍ କରିରଇବା ବିସରାମେ ଜେଡକିଲକ୍ ପୁରବାଇ, ସେ ବିସରାମ୍ କଲାପାରା, ତାକର୍ କାମେଅନି ବିସରାମ୍ କର୍ବାଇ । ୧୧ ସେଟାରପାଇ ଆମେ ସବୁଲକ୍ ମନ୍ ଦିଆନ୍ ଦେଇକରି, ସେ ବିସରାମ୍ ଜାଗାଇ ପୁରବାକେ ଚେସ୍ଟା କରୁ । ଆମର୍ ଆନିଦାଦିମନର୍ପାରା ନ ଅଇବାକେ ଆମେ ଜାଗରତ୍ ରଉ । ପର୍ଯ୍ୟନ୍ତ କଇଲାଟା ବିସବାସ୍ ନ କଲାପାଇ, ସେମନ୍ ସେଜାଗାଇ ପୁରି ନାପାରଲାଇ ।

୧୨ ପର୍ଯ୍ୟନ୍ତ ବାକିଅ ଜିବନ୍‌ରଇବାଟା ଆରି ବେସି ବପୁରଇ ଦୁଇବାଟେ ଦାରରଇବା ଗଟେକ୍ ଲାଗନ୍ କାଣ୍ଡା ପାରା । ସେଟା ଆଡର୍ ଗଟି ଆରି ଆଡ୍ ବିଡ୍ରେ ରଇବାଟା କାଟ୍ସି । ଗଟେକ୍ ଲକ୍ମନ୍ ମନ୍ ବିଡ୍ରେ ରଇବା ସବୁ ବିସଇ ବିଚାର୍ କରିପାରସି । ମନ୍ ବିଡ୍ରେ ଲୁଚିରଇବା ସବୁ ବିସଇ ମିସା । ୧୩ ପର୍ଯ୍ୟନ୍ତଟାନେ କାଇ ବିସଇ ମିସା ଲୁଚିକରି ନ ରଏ । ତାର୍ ଆକିଟାନେ ସବୁ ବିସଇ ଉଗାଡି ଅଇରଇଲାପାରା ଆଟେ । କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡିକରି, ସବୁ ଜାନେ । ଆରି ତାର୍ ଲଗେ ଆମେ ଆମର୍ ନିଜର୍ ବିସଇର୍ ଇସାବ୍ ଦେବାର୍ ଆଟେ ।

ଜିସୁଆକା ବଡ୍ ମୁକିଅ ପୁଜାରି

୧୪ ଜିସୁ ପର୍ଯ୍ୟନ୍ତ ପଅ ଅଇଲାକେ, ସେ ଆମର୍ ମନେ ଜନ୍ ବଡ୍ ପୁଜାରି ବଲି ବିସବାସ୍ କରି ଦାରିକରି ଆରୁ, ସେଟା ତାଟ୍ କର୍ବୁ । ୧୫ ସେ ଆମର୍ ବାଦୁଲେ ବଡ୍ ପୁଜାରିଅଇ ପର୍ଯ୍ୟନ୍ତ ମୁଆଟେ ଗାଲାଆଟେ । ଆରି ଜେଡକି ରକାମ୍ ପରିକା, ଜେଡେକ୍ କସ୍ଟ ଆମେ ପାଇଲୁନି, ସେଟା ଆମର୍ ବଡ୍ ପୁଜାରି ସବୁବେଲେ ଆମର୍ ସଙ୍ଗି ମିସିକରି କଲାନ୍ତି । କାଇକେବଇଲେ ଜେଡକି ସବୁ ଆମେ କଲୁନି,

ସେଟା ସବୁଜାକ ସେ ମିସା କଲା । ମାତର ସେ କେତେବେଳେ ମିସା ପାପ୍ କରେ ନାଇ । ୧୭ ତେବର୍ପାଇ ତମେ ସାଆସ୍ ସଙ୍ଗ୍ ପରମେସରର୍ ଟାନେ ଜାଇଅଇସି, ଜଦି ଆମେ ମାଙ୍ଗ୍ଲେ ସେ ଜିବନ୍ ଦୁକାଇ ଆମ୍ବକେ ଦୟା କର୍ସି ଆରି ସାଇଜ ଦର୍କାର୍ ରଇବାବେଳେ, ଆମ୍ବକେ ସାଇଜ କର୍ସି ।



୧ ଜିଉଦିମନର୍ ଜେଡ୍‌କି ବଡ୍ ପୁଜାରିମନ୍ ତାକର୍ ନିଜର୍ ଲକ୍‌ମନର୍‌ତେଇଅନି ବାଟାଇଅଇବାଇ । ତାକର୍‌ବାଟେଅନି ପାପ୍ କେମା କର୍‌ବା ବଲି ଆରି ସର୍‌ପିଦେବା ବଲି, ଦେଇକରି ପରମେସର୍‌କେ ସେବା କର୍‌ବାଇ । ୨ ଜେଡ୍‌ବେଳେ ତାର୍ ସଙ୍ଗାରିମନ୍ ନାଜାନିକରି ରଇବାଇ, ଆରି ବୁଲ୍ କାମ୍ କରିରଇବାଇ, ସେ ସେମନର୍ ସଙ୍ଗ୍ ଦୟାଦରମ୍ ଦେକାଇକରି ରଇପାର୍‌ସି । କାଇକେବଇଲେ ତାର୍ ଜିବନେ ମିସା ବେସି ବୁଲ୍ ରଇସି । ୩ ଆରି ତାକେ ମିସା ବେସି ବୁଲ୍ ରଇଲାକେ ସେ ଅବ୍‌କା ବିନ୍ ଲକ୍‌ର୍ ପାପର୍ ପାଇ ବଲି ଦେଲେ ନର୍‌, ମାତର୍ ନିଜର୍ ପାପର୍‌ଲାଗି ମିସା ବଲି ସର୍‌ପିଦେବାକେ ପଡ୍‌ସି । ୪ କେ ମିସା ନିଜେ ବାଟିଅଇକରି ବଡ୍‌ପୁଜାରିର୍ ବେସି ସନ୍‌ମାନ୍ ପାଇବା ପଦ୍ ପାଇ ନାପାରେ । ମାତର୍ ଗଟେକ୍ ଲକ୍ ପରମେସର୍ ତାକ୍‌ଲା ଇସାବେସେ ବଡ୍ ପୁଜାରିର୍ ପଦ୍ ପାଇଅଇସି । ଜେନ୍ତାରି କି କେତେ କେତେ ବରସ୍ ପୁର୍‌ବେ ଆରଣ୍‌କେ ବାଟିରଇଲା ।

୫ ସେନ୍ତାରିସେ କିରିସ୍‌ଟ ବଡ୍ ପୁଜାରିର୍ ସନ୍‌ମାନ୍ ପାଇବାକେ ନିଜ୍‌କେ ବଡ୍ କରେ ନାଇ । ମାତର୍ ପରମେସର୍‌ସେ ତାକେ ବାଟ୍‌ଲା । ତାର୍ ବାହୁଲେ ସେ ତାକେ କଇଲା,

“ତୁଇ ମର୍ ପଅ,

ଆଜି ମୁଇ ତର୍ ବାବା ଅଇଲିଆଟି ।”

୬ ଆରି ଗଟେକ୍ ଜାଗାଇ ମିସା ସେ କଇଲା,

“ତୁଇ ପୁଜାରି ପଦ୍ ପାଇକରି

ମଲ୍‌କିସେଦକର୍ କୁଟୁମ୍ ପାରା

କାଲ୍ କାଲ୍ ଜୁଗ୍ ଜୁଗ୍ ପୁଜାରି ଅଇ ରଇସୁ ।”

୭ ✨ ଜିଷୁ ଏ ଜଗତେ ରଇଲାବେଳେ, ସେ ଆକ୍‌ମାରି କାନ୍ଦିକରି ଆରି ଆଁସୁ ଜରାଇକରି କାନ୍ଦି ପର୍ଯ୍ୟେସର୍‌କେ ପାର୍‌ତନା କରିଲାଗିରଇଲା । ମରନେଅନି ତାକେ ରକିଆ କରବାକେ ପର୍ଯ୍ୟେସର୍‌କେ ବପୁଆତେ ବଲି ସେ ଜାନିକରି ଏନ୍ତାରି କଲା । ସେ ନିଜେ ଦୟାଦରମ୍ ଦେକାଇଲାକେ ଆରି ପର୍ଯ୍ୟେସର୍‌କାତା ମାନିଲାକେ, ପର୍ଯ୍ୟେସର୍‌ ତାର୍ ପାର୍‌ତନା ସୁନ୍‌ଲା । ୮ ଜିଷୁ ପର୍ଯ୍ୟେସର୍‌ ପଅ ଅଇରଇଲେ ମିସା, ସେ ଦୁକ୍ କସ୍‌ଟ ପାଇରଇଲାଟ୍ ଲାଗି, ତାର୍ କାତା ମାନିବାକେ ସିକିଲା । ୯ ସେ ପର୍ଯ୍ୟେସର୍‌କାତା ମାନିଲାକେ ପୁରାପୁରୁନ୍ ସିଦ୍ ଅଇଲା । ତାକେ ବିସ୍‌ବାସ୍ କରବା ଲକ୍‌ମନ୍‌କେ କେବେ ନ ସାର୍‌ବା ମୁକ୍ତି ଦେବା ଲକ୍ ଅଇଲା । ୧୦ ସେଟାର୍ ପାଇ ତାକେ ପର୍ଯ୍ୟେସର୍ ମଲ୍‌କିସେଦକ୍ ପୁଜାରିର୍ ପାରା ବଡ୍ ପୁଜାରି କରି ବାଟିଲା ।

ବିସ୍‌ବାସ୍ ନ ଆଜାଇବାକେ ଜାଗ୍‌ରତ୍

୧୧ ଏ ବିସଇ ଆରି ଅଦିକ୍ ତମ୍‌କେ ଜାନାଇବି ବଲି ମୁଇ ମନ୍ କଲିନି । ମାତର୍ ତମେ ଦାପ୍‌ରେ ବୁଜି ନାପାରାସ୍‌କେ ବୁଜାଇବାକେ କସ୍‌ଟ ଆତେ । ୧୨ ✨ ତମେ ବିସ୍‌ବାସ୍ କରି ବେସିଦିନ୍ ଅଇଗାଲା ଆତେ ।

ଆରି ଏବେ ତମେ ତମର୍ ସଙ୍ଗାରିମନ୍‌କେ ସିକାଇବାର୍ ରଇଲା । ମାତର୍ ପର୍ଯ୍ୟେସର୍‌କାତା ପର୍‌ତୁମ୍ ସିକିଆ ତମ୍‌କେ ଏବେ ସିକାଇବାକେ ଲକ୍‌ର୍ ଲତାଆତେ । ତମେ ଗଟେକ୍ ଦୁଦ୍ କାଇବା ପିଲାଟ୍‌ପାରା ଆତାସ୍ । କାଇକେବଇଲେ ଆର୍‌ଟ୍‌ଟା ମନ୍ କାଡ୍‌ରି ନାପାରାସ୍ । ୧୩ ଜେ ଦୁଦ୍ କାଇବାର୍ ଆତେ, ସେ ଏବେ ମିସା ପିଲାସେ । ସେନ୍ତାରି ଲକ୍‌ମନ୍ ଟିକ୍ ଆରି ବୁଲ୍ ଚଲାଟଲ୍‌ଡି କରବାଟା ଚିନି ନାପାରାଲାଇନି । ୧୪ ଚାବି ଚାବି କାଇବା କାଦି ବଡ୍ ଲକ୍‌ମନ୍‌ଟ୍‌ପାଇ । ସେମନ୍ ନିକ ଆରି କାରାପ୍ ଚିନ୍‌ବାକେ, ନିଜ୍‌କେ ଅବିଆସ୍ କରାଇ ଆଟ୍ ।



୧ ତେବର୍‌ପାଇ କିରିସ୍‌ଟର୍ ମୁଲେଅନି ସିକିରଇବା ବିସଇ ତରକେ ତର୍ ନ ସିକିକରି ତାର୍ ଟିକିନିକି ବିସଇ ସିକୁ । ଜେନ୍ତୁକି ଆମର୍ ବିସ୍‌ବାସ୍ ମିସା ଡାଁଟ୍ ଅଇସି । ରୁଚାଇ କାମ୍‌ମନ୍ ଚାଡିକରି

✨ ୫:୭ ୫:୭ ମାତିଉ ୨୬:୩୭-୪୬; ମାର୍କ ୧୪:୩୨-୪୨; ଲୁକ୍ ୨୨:୩୯-୪୬ ✨ ୫:୧୨ ୫:୧୨ ୧ମ କରନ୍ତୁୟ ୩:୨

ପରମେସ୍ୱରୀନେ ବାଉଡ଼ବା ଜନ୍ମଟା କି ଆମର ବିସ୍ୱାସର ମୂଳ ପାକ୍ତନା ରଇଲା, ତେଜ ଆରିତରେକ୍ ସେଟାସେ କରୁବାର ନାଇ ।
 ୨ ତୁବନ୍ ବିସଇର୍ ସିକିଆ ଦେବାଟା, ଆଡ଼ ସଙ୍ଗାଇକରି ପାରତନା କରୁବାଟା, ମଲା ଲକ୍ମନ୍ ଆରିତରେକ୍ ବଢ଼ୁବାଟା ଆରି ଲକ୍ମନ୍କେ ସବୁଦିନରୁପାଇ ରଇବା ପରମେସ୍ୱର ନ ସାରୁବା ବିଚାରନା ।
 ୩ ଏବେ ଆମେ ଆଗ୍ରେକେ ଜିବାକେ ପଢ଼ିସି । ମାପୁରୁକେ ଆସାକରି ଆଗର ବିସଇ ସିକୁ ।

୪ କାଇକେବଇଲେ ଜେଡ଼କି ଲକ୍ ତାକର ବିସ୍ୱାସ ଚାଡ଼ିଆତଡ଼, ସେମନ୍ ମନ୍ ପରମେସ୍ୱରର ଉଜଲସଙ୍ଗ ଉଗାଡ଼ି ଅଇ ଆଚେ । ସେ ଦେଇ ରଇବା ସୁଆଦ୍ ସେମନ୍ ଚାକିଆତଡ଼ । ଆରି ସୁକଲ୍ ଆଡ଼ମା ପାଇଆତଡ଼ ।
 ୫ ପରମେସ୍ୱର ବାକିଅ କେଡେକ୍ ନିକ ବଲି ସେମନ୍ ଜାନିଆତଡ଼ । ଆଇବା ଜୁଗେ ତାର ଜନ୍ ବପୁ ସବୁକେ ଦେକାଇ ଅଇସି, ସେଟା ସେମନ୍ ଜାନିଆତଡ଼ ।
 ୬ ଏଟା ସବୁ ଅଇଲା ପଚେ ସେମନ୍ ତାକର ବିସ୍ୱାସ୍ ଆରାଇ ଆତଡ଼ । ସେଟାରୁପାଇ ସେମନ୍କେ ଆରିତରେକ୍ ମନ୍ ବାଉଡ଼ାଇବାକେ ସଅଜ୍ ନାଇ । କାଇକେବଇଲେ ସେମନ୍ ପରମେସ୍ୱର ପଅକେ ଆରିତରେକ୍ କୁରସେ ମରାଇକରି ଗୁଲାଇ ଲକର ମୁଆଟେ ଇଜଡ଼ ଜିକଲାଇନି ।

୭ ବରସା ପାନି ଜମିଟାନେ ମାରୁଲେ ସେ ପାନି ଜମି ଜିକିନେଇସି । ସେନ୍ତାରି ଜମିକେ ପରମେସ୍ୱର ଆସିରବାଦ୍ କରସି । ସେନ୍ତାରି ଜମିଟାନେ ଲକ୍ମନ୍କେ ଦରକାର୍ ଅଇବା ଚାସ୍ କରିଅଇସି ।
 ୮ ମାତର ସେ ଜମିଟାନେ ଜଦି କାଟା ଗଡ଼ ଅଇସି, ଆରି ଲାଟାବୁଟା ଗାଜା ଅଇସି, ତେବେ ସେଟା କାଇ ଲଡାକେ ନ ଲାଗେ । ଆରି ସେଟାକେ ପରମେସ୍ୱର ଡ଼ଣ୍ଡୁ ଦେଇସି ଆରି ସେଟାମନ୍କେ ଜଇଟାନେ ପଡ଼ାଇଦେଇସି ।

୯ ଏ ଆଲାଦର ମଇତରମନ୍, ମୁଇ ଏନ୍ତାରି କଇଡେରଇଲେ ମିସା ତମେ ସେନ୍ତାରି ନୁଆସ୍ ବଲି ମୁଇ ଜାନି । ତମେ ଆଗତୁଅନି ବିସ୍ୱାସ୍ କଲାସ୍ନି ଆରି ତମର ଚଲାଚଲ୍ତି ନିକ ଆଚେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ ।
 ୧୦ କାଇକେବଇଲେ, ପରମେସ୍ୱର ଅନିଆଇ ନ କରେ । ତମେ କରିରଇବା ନିକ କାମ୍ ସେ ନ ପାସ୍ରେ । ତାରପାଇ ରଇବା ତମର ଆଲାଦ୍ ମିସା । ସେ ଆଲାଦ୍ ତମର ବିସ୍ୱାସି ବାଇବଇନିକେ ସାଇଜ କଲାଟି ପାଇ ତମେ ଦେକାଇ

ଆରାୟ । ^{୧୧} ମୁଁ ଜନ୍ମିତା ମନ କଲିନି, ସେଟା ଅଇଲାନି ସାରାସାରି ଜାକ ପର୍ଯ୍ୟନ୍ତ ଜନ୍ମ କାତା ଦେଇଆଚେ, ସେଟା ପୁରାପୁରୁନ୍ ଅଇବାଜାକ ତମର ଆସା ନ ଚାଡ଼ା । ^{୧୨} ସେନ୍ତାରି କଲେ ଅଲସ୍ ନଅଇ ବିସ୍ବାସ୍ ଆରି ମୁର୍ତ୍ତି ରଇବା ଲକ୍ ଅଇସା । ସେନ୍ତାରି ଲକ୍ ପର୍ଯ୍ୟନ୍ତ ଜନ୍ମିତା ଦେବାକେ କାତା ଦେଇଆଚେ, ସେମନ୍ ସେଟା ପାଇବାଇ ।

ପର୍ଯ୍ୟନ୍ତର ସପତ୍ ସତ୍ ଅଇସି

^{୧୩} ପର୍ଯ୍ୟନ୍ତର ଅବ୍ରାହାମ୍‌କେ କାତା ଦେଇରଇଲା ବେଲେ, ସେ ପୁରାପୁରୁନ୍ କର୍ବି ବଲି ସପତ୍ କରିରଇଲା । ତାର୍‌ଟାନେ ଅନି ଆରି କେ ମିସା ବଡ଼ ନ ରଇଲାକେ ନିଜର୍ ନାଉଁ ଦାରି ସପତ୍ କଲା । ^{୧୪} ସେ ଅବ୍ରାହାମ୍‌କେ କଇଲା, “ମୁଁ ତମ୍‌କେ ବାଇଦରେ ଆସିରବାଦ୍ କରବି । ଆରି ତର୍ କୁଟୁମ୍ ଜବର୍ କରବି ।” ^{୧୫} ଅବ୍ରାହାମ୍ ତାର୍ କାତା ଦାରି ଜାଗିରଇଲାକେ, ପର୍ଯ୍ୟନ୍ତର ସପତ୍ କଲାଟା ସେ ମିଲାଇଲା । ^{୧୬} ଜେଡେବେଲେ ଲକ୍‌ମନ୍ ପର୍ଯ୍ୟନ୍ତ ସଇଡ଼ କରବାଇ, ସେମନ୍ ବଡ଼ଲକ୍‌ମନ୍ ନାଉଁ ଦାରି ପର୍ଯ୍ୟନ୍ତ ସଇଡ଼ କରବାଇ । ସେନ୍ତାରି କଲେ ସେ ସପତ୍ ଲାଗିରଇବା ସବୁ ଦଦାପେଲାକେ ଚିଡ଼ାଇସି । ^{୧୭} ଜନ୍‌ଲକ୍‌ମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ ସବୁ ବିସଇ ଜାନତ୍ ବଲି ସେ ମନ୍ କରିରଇଲା । ତାର୍ ମନ୍ କେବେ ନ ବାଦ୍‌ଲେ ବଲି ସବୁ ଲକ୍ ଜାନିଅତ୍ । ସେଟାପାଇ ସେ ତାର୍ କାତାଦେଇ ରଇବାଟାନେ ତାର୍ ସପତ୍ ମିସା ମିସାଇଲା । ପର୍ଯ୍ୟନ୍ତର ଦେଇରଇବା କାତା ଆରି ତାର୍ ସପତ୍ ସତ୍‌ସେ । ^{୧୮} ଏ ଦୁଇଟା ବିସଇ କେବେ ନ ବାଦ୍‌ଲେ । କାଇକେବଇଲେ ପର୍ଯ୍ୟନ୍ତର ମିର୍ ନ କଏ । ତେବର୍‌ପାଇ ଆମେ ମୁକ୍ତି ପାଇରଇବା ଲକ୍‌ମନ୍, ଆମର୍ ମନେ ବେସି ସାଆସ୍ ଦାରିଆରୁ । ଆରି ତାର୍‌ଟାନେ ରଇବା ଆମର୍ ଆସା ଡାଁଟ୍ ଆଚେ ।

^{୧୯} ଏ ଆସା ଆମର୍ ବିସ୍ବାସ୍ ଡାଁଟ୍ କରାଇସି । କାଇକେବଇଲେ ସେଟା ପୁରାପୁରୁନ୍ ଅଇସିଆକା । ଅମର୍ ଆସାର୍ ଲାଗି ଆମେ ପର୍ଯ୍ୟନ୍ତର ଜାଗାଇ ପୁରିଆରୁ । ଏଟା ଜେନ୍ତାରି ବଡ଼ ପୁଜାରି ମନ୍ଦିରର୍ ଅଦିକ୍ ସୁକ୍ଲ୍ ଜାଗାଇ ପୁରସି । ଜନ୍ ଜାଗା କି ପାର୍‌ଦା ବିଡ଼ରେ ଲୁଚିରଇସି । ^{୨୦} ସେ ଜାଗାଇସେ ଆମର୍ ଜିସୁ ଆଗତ୍

ଜାଇଆରେ । ଆରି ସବୁଦିନରପାଇ ମଲ୍ଲକିସେଦକର ପୁଜାରି ପଦ୍ ପାରା ସେ ବଡ଼ ପୁଜାରି ଅଇଲାଆରେ ।



ମଲ୍ଲକିସେଦକ ପୁଜାରି ଅଇବାଟା

୧ ଏ ମଲ୍ଲକିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁଟାଣେଅନି ଉପରେ ରଇବା ପର୍ଯ୍ୟେସରର୍ ପୁଜାରି ରଇଲା । ଚାରଟା ରାଜାମନ୍କେ ଜୁଇଦେ ଆରାଇକରି ବାଉଡ଼ଲାବେଲେ ମଲ୍ଲକିସେଦକ୍ ଅବ୍ରାଆମ୍କେ ବେଟ୍ ଅଇବାର୍ ଗାଲା ଆରି ତାକେ ଆସିର୍ବାଦ୍ କଲା । ସେଡ଼କିବେଲେ ଜୁଇଦେ ଜିତିକରି ତେଇର୍ ଜେଡ଼କି କାଇକାଇଟା ନେଇକରି, ନିଜର୍ଟା କରିରଇଲା, ତେଇଅନି ଦସ୍ବାଗେ ଅନି ଗଟେକ୍ବାଗ୍ ଅବ୍ରାଆମ୍ ତାକେ ଦେଲା । ୨ ମଲ୍ଲକିସେଦକ୍ ନାଉର୍ ଅରଡ଼ ଅଇଲାନି, ଦରମସକ୍ ରଇବା ରାଜା । ଆରି ସାକ୍ତିର୍ ରାଜା ମିସା । କାଇକେବଇଲେ ସାଲେମ୍ ନାଉର୍ ଅରଡ଼ ଅଇଲାନି ସାକ୍ତି । ୩ ମଲ୍ଲକିସେଦକ୍ ଆୟା ବାବା, ଆନିଦାଦିମନର୍ ବିସଇନେଇ କାଇଟା ଲେକା ଅଏନାଇ । ସେନ୍ତାରିସେ ତାର୍ ଜନମ୍ ମରନ୍ ବିସଇ ମିସା କାଇଟା ନାଇ । ସେଟାର୍ ପାଇ ସେ ପର୍ଯ୍ୟେସରର୍ ପଥ ପାରା । ସେ ସବୁଦିନରପାଇ ପୁଜାରି ଅଇରଇସି ।

୪ ମଲ୍ଲକିସେଦକ୍ କେଡେବଡ଼ ଲକ୍ ରଇଲାବଲି ଆମେ ଏତାଇଦେକୁ । ପର୍ଯ୍ୟେସ ଆମେ ଜିଉଦିମନର୍ ଡାକ୍ପୁଟା ପାଇରଇବା ଆନିଦାଦି ଅବ୍ରାଆମ୍ ମିସା ଜୁଇଦକି ତେଇଅନି ମିଲାଇ ଆନିରଇବା କାଇକାଇଟା ଦସ୍ ବାଗେଅନି ଗଟେକ୍ବାଗ୍ ତାକେ ଦେଇରଇଲା । ୫ ମସାର୍ ନିୟମ୍ ଇସାବେ ଜିଉଦିମନ୍କେ ଏନ୍ତାରି ଗଟେକ୍ ନିୟମ୍ ଆରେ । ଲେବି ବସ୍ବର୍ ଜେଡ଼କି ନାତି ତିତିମନ୍ ପୁଜାରିଅଇବାଇ । ତାକର୍ ସଙ୍ଗେ ରଇବା ଜିଉଦିମନ୍ କାମାଇ ଆନ୍ବା ଚାସେଅନି ଦସ୍ବାଗେଅନି ଗଟେକ୍ ବାଗ୍ ନେବାଇ । ସେମନ୍ ସବୁ ଅବ୍ରାଆମର୍ ନାତିତିତି ଅଇରଇଲେ ମିସା ଏନ୍ତାରି କରତେରଇଲାଇ । ୬ ମାତର୍ ମଲ୍ଲକିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ ଅବ୍ରାମର୍ଟାଣେଅନି ଦସ୍ବାଗେଅନି

ବାଗେକ୍ ନେଇତେରଇଲା । ସେବେଲେ ମଲ୍‌କିସେଦକ୍ ଅବ୍ରାହାମ୍‌କେ ଆସିରବାଦ୍ କରି ରଇଲା । ଅବ୍ରାହାମ୍‌କେସେ ପରମେସରର୍ ସବୁକାତା ଦେଇରଇଲା । ^୭ ଆମେସବୁ ଜାନିଆରୁ, ଜନ୍ ଲକ୍‌କେ ଆସିରବାଦ୍ କରବାକେ ଅଦିକାର୍ ଆଚେ, ସେ ଆସିରବାଦ୍ ପାଇବା ଲକ୍‌ରଟାନେଅନି ବଡ଼ । ^୮ ଲେବିର୍ ଜେଡକ୍ ନାତିତିତିମନ୍, ଦସ୍‌ବାଗେ ଅନି ଗଟେକ୍ ବାଗ୍ ନେଇରଇଲାଇ, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମରବାଇ । ମାତର୍ ମଲ୍‌କିସେଦକର୍ ମରନ୍ ବିସଇ ସାସ୍‌ତରେ କନ୍ତି ମିସା ଲେକା ଅର୍ଥନାଇ । ତାର୍ ବାଦୁଲେ ତେଇ ଲେକାଅଇଲା ଆଚେ, ତାର୍ ପୁଜାରି ପଦ୍ ନ ବାଦଲିକରି ସବୁ ଦିନରପାଇ ରଇସି । ^୯ ଲେବିର୍ ଜେଡକ୍ ସବୁ ନାତିତିତିମନ୍ ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲାଇ, ସେମନ୍ ଅବ୍ରାହାମର୍ ସଙ୍ଗ୍ ମିସିକରି ମଲ୍‌କିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି ଆମେ କଇଅଇସି । ^{୧୦} କାଇକେବଇଲେ ଜେଡେବଲ୍ ମଲ୍‌କିସେଦକ୍ ଅବ୍ରାହାମ୍‌କେ ବେଟ୍ ଅଇଲା, ସେ ଲେବି ଜନମ୍ ନ ଅଇରଇଲା, ମାତର୍ ସେ ଅବ୍ରାହାମର୍ ଗାଗ୍‌ତେ ରଇଲା । କାଇକେବଇଲେ ଅବ୍ରାହାମ୍ ତାର୍ ଆନିଦାଦି ରଇଲା ।

^{୧୧} ଲେବିର୍ ନାତିତିତି ପୁଜାରି ଇସାବେ ବାଚ୍‌ଲାରପାଇ ପରମେସର୍ ତାର୍ ନିୟମ୍ ଜିଉଦିମନ୍‌କେ ଦେଇରଇଲା । ମାତର୍ ଲେବି ବସ୍‌ର୍ ପୁଜାରିମନ୍ ଜଦି ସିଦଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି ଆଇବାକେ ଦରକାର୍ ନ ରଇଲା । ସେନ୍ତାର୍ ଏ ପୁଜାରି ଆରଣ୍ ଜେ କି ଲେବିର୍ ନାତିତିତି ରଇଲା, ତାର୍ ପୁଜାରିପଦ୍ ନ ଦାରି ମଲ୍‌କିସେଦକର୍ ପୁଜାରି ପଦ୍ ଦାରି ଆଇସି । ^{୧୨} ଜନ୍ ପୁଜାରି ଲକ୍‌ମନର୍ ବାଦୁଲେ ପରମେସରର୍ ମୁଆଟେ ଚିଆ ଅଇସି, ତାର୍ ପୁଜାରି ପଦ୍ ବାଦଲାଇଲେ ଜନ୍ ନିୟମ୍ ମାନିଆଇଲାଜନି, ସେଟାମିସା ବାଦଲ୍‌ବାର୍ ଆଚେ । ^{୧୩} ଏ ସବୁ ବିସଇ ବାଦଲିଗାଲା ଆଚେବଲି ଆମେ ଜାନୁ । କାଇକେବଇଲେ ଆମର୍ ମାପୁରୁ ଜିସୁ ଜାର୍ ବିସଇନେଇ ଏ ସବୁ କାତା କଇଲୁନି, ସେ ଲେବି ବସ୍‌ର୍ ନାତିତିତି ନ ରଇଲା । ଜିଉଦା ବସ୍‌ସେଅନି ଏବେଜାକ କେ ପୁଜାରି ବାବେ ସେବା କରଡ଼ ନାଇ । ^{୧୪} ଜିଉଦା ତାର୍ ଆନିଦାଦି ରଇଲା । ମସା ଦେଇରଇବା କାତାଇ ମିସା ଜିଉଦାର୍ ନାତିତିତିମନ୍ ପୁଜାରି

ଅଇବା ବିସଇ କାଇଟା କଏ ନାଇ ।

ମଲ୍ଲକିସେଦକର୍ ପାରା ଆରିଗଟେକ୍ ପୁଜାରି

୧୫ ଇତିଅନି ନିମାନ୍ ଜାନାପଡ଼ଲାନି ଜେ, ଆଗର୍ ରକାମ୍ ପୁଜାରି ଆରି ସେମନ୍ ମାନିଆଇତେରଇବା ନିୟମ୍ ଏବେ ବାଦ୍‌ଲାଇକରି ଗଟେକ୍ ନୁଆ ରକାମ୍ ପୁଜାରି ବାରଇଆତେ । ସେ ମଲ୍ଲକିସେଦକର୍ ପୁଜାରି ପଦ୍ ଦାରି ଆଇବାଟା । ୧୬ ଆରି ସେ ମୁନୁସ୍‌ମନର୍ ନିୟମ୍ ଆରି ରିତିନିତି ଇସାବେ ପୁଜାରି କରେନାଇ, ମାତର୍ କେବେ ନ ସାର୍‌ବା ଗଟେକ୍ ବପୁର୍ ଜିବନ୍ ଲାଗି କଲାଆତେ । ମଲ୍ଲକିସେଦକର୍ ପାରା ଗଟେକ୍ ବିନ୍ ପୁଜାରି ବାରଇଲା । ୧୭ କାଇକେବଇଲେ ତାର୍ ବିସଇରେ ସାସ୍‌ତର୍ କଇଲାନି, “ମଲ୍ଲକିସେଦକର୍ ପୁଜାରି ପଦ୍‌ପାରା ତୁଇ ପୁଜାରି ଅଇ ଆରୁସ୍ ।” ୧୮ ପୁରନା ନିୟମ୍ ବାଦ୍‌ଲାଇଲା । କାଇକେବଇଲେ, ସେଟା ଲକ୍‌ମନ୍‌କେ ପର୍ମେସରର୍ ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା । ୧୯ କାଇକେବଇଲେ ମସାର୍ ନିୟମ୍ କାଇଟା ମିସା ପୁରାପୁରନ୍ ସିଦ୍‌କରି ନାପାରଲା । ମାତର୍ ଏବେ ଆମ୍‌କେ ଗଟେକ୍ ବପୁର୍ ଆସା ମିଲ୍ଲା ଆତେ । ଜାର୍‌ଲାଗି ଆମେ ପରମେସରର୍ ଲଗେ ଅଇବାକେ ଆସିପାର୍‌ଲୁନି ।

୨୦ ଆରି ଆମର୍ ପାଇ ପରମେସରର୍ କାତାଦେଇ ରଇବାଟା ମିସା ଆତେ । ବିନ୍ ଲକ୍‌ର୍ ନାତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତି କାଇମିସା ସପଡ୍ କରି ନ ରଇଲା । ୨୧ ମାତର୍ କିରିସଟ୍ ପୁଜାରି ଅଇବାବେଲେ ପରମେସର୍ ତାକେ ସପଡ୍ କରି କଇରଇଲା, “ମାପୁରୁ ଗଟେକ୍ ସପଡ୍ କଲା ଆତେ

ତୁଇ ସବୁଦିନପାଇ ପୁଜାରି ଅଇରଇସୁ ।
କଇଲା ଏ କାତା କେବେ ନ ବାଦ୍‌ଲାଏ ।

ତମେ କାଲ୍‌କାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।”

୨୨ କାଇକେବଇଲେ ପର୍ମେସର୍ ଜନ୍ ସପଡ୍ ତାକେ ଦେଇରଇଲା, ତାର୍ ନୁଆ ରାଜିନାମା ପୁରାପୁରନ୍ ଅଇସିଆକା ବଲି ଜିସୁ ଡା଼ର୍ ସଙ୍ଗ୍ କଇଲାନି ।

୨୩ ଜିସୁର୍ ପୁଜାରି ପଦ୍ ଆରି ଲେବି ବସ୍‌ର୍ କେତେକ୍ କେତେକ୍ ପୁଜାରି ପଦ୍ ଦାରିରଇବା ବେସି ପୁଜାରିମନର୍ ବିଡ୍‌ରେ ଏନ୍ତାରି ବିନ୍

ରଇଲା । ସେମନ୍ ସବୁ ତାକର୍ ପୁଜାରିପଦ୍ କରିଲାଗି ରଅଡ୍ ନାଇ ।
କାଇକେବଇଲେ ସେମନ୍ ସବୁଲକ୍ ମରିଗାଲାଇ ।

୨୪ ମାତର୍ ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା
ତାର୍ କାମ୍ ଆରି କାକେ ମିସା ଦିଆ ନ ଅଏ । ୨୫ ସେଟାର୍ ପାଇ
ଜନ୍ ଲକ୍ମନ୍ ତାକେ ବିସ୍ବାସ୍ କରି ଲଗେ ଆଇବାଇ, ସେମନ୍କେ
ସବୁବେଲ୍ପାଇ ରକିଆ କରିପାର୍ସି । କାଇକେ ବଇଲେ ସେମନ୍ର୍
ପାଇ ପରମେସରର୍ ମୁଆଟେ ଗୁଆରି କର୍ବାକେ ସେ ଜୁଗ୍ ଜୁଗର୍
ପାଇ ଜିବନ୍ ଅଇକରି ଆଟେ ।

୨୬ ତେବର୍ପାଇ ଜିସୁ ଅଇଲାନି ଆମର୍ ବଡ୍ ପୁଜାରି । ସେ
ଆମର୍ପାଇ ସମାନ୍ ଆଟେ । କାଇକେବଇଲେ ସେ ସୁକଲ୍,
ତାର୍ଟାନେ କାଇ ବୁଲ୍, କି ପାପ୍ ନାଇ । ଆମର୍ ପାପିମନର୍ଟାନେଅନି
ସେ ପୁରାପୁରୁନ୍ ବିନ୍ଆଟେ । ଆରି ପରମେସର୍ ତାକେ ସରଗ୍
ଜେଡ୍କି ଜାଇ ଉଟାଇଆଟେ । ୨୭ ବିନ୍ ବଡ୍ ପୁଜାରି ମନ୍ ସବୁଦିନ୍
ପରମେସରର୍ଟାନେ ଦିନ୍କେ ବଲି ଦେବାର୍ ଆଟେ । ତାର୍ପଟେ
ସେମନ୍ ଲକ୍ମନ୍ର୍ ପାପର୍ପାଇ ମିସା ବଲି ଦେବାର୍ ଆଟେ । ମାତର୍
ଜିସୁ ଏଡ୍ଠାରି ନାଇ । ସେ ସବୁଲକ୍ ପାଇ ମିସ୍ତେ ଗଟେକ୍ତର୍ସେ
ବଲି ଅଇଲା ଆଟେ । ତାର୍ ସେ ମରନ୍ ସବୁଦିନର୍ପାଇ ଅଇସି ।
୨୮ କାଇକେବଇଲେ ମସାର୍ ନିୟ୍ମ୍ ଇସାବେ, ଜନ୍ଲକ୍ ବଡ୍ ପୁଜାରି
ପଦ୍ପାଇରଇସି, ସେମନ୍କେ ମିସା ପାପ୍ ରଇସି । ମାତର୍ ଜନ୍ଟା
ପରମେସର୍ ଗଟେକ୍ ସପଡ୍ କରି କାତା ଦେଇରଇଲା, ସେଟା ନିୟ୍ମ୍
ପଟେ ଆଇଲା । ଜନ୍ ଲକ୍ ବାଟାଇଅଇରଇଲା, ତାର୍ ପଅ ରଇଲା ।
ସେ ସବୁଦିନର୍ପାଇ କାଇ ପାପ୍ ନ ରଇବା ପୁଜାରି ଅଇଆଟେ ।

୮

ଜିସୁ ଆମର୍ ବଡ୍ପୁଜାରି

୯ ଏ ସବୁ କାତାଇଅନି ତମକେ ବୁଜଡ୍ ବଲି ମୁଇ ମନ୍ କଲିନି
ଜେ, ଏ ଆମର୍ ବଡ୍ ପୁଜାରି ସରଗର୍ ସବୁର୍ ଉପରେ ପରମେସରର୍
ଉଜାବାଟେ ବସଲା ଆଟେ । ୧୦ ଆରି ପରମେସରର୍ ଅଦିକ୍ ସୁକଲ୍
ଜାଗାଇ ସେ ବଡ୍ ପୁଜାରି ଇସାବେ ସେବା କଲାନି । ସେ ତୁମ୍କୁଡିଆ
ଲକ୍ମନ୍ ତିଆର୍କଲାଟା ନଏଁ, ମାତର୍ ସେଟା ମାପୁରୁ ତିଆର୍କ
କଲାଆଟେ ।

୩ ସବୁ ବଡ଼ପୁଜାରିମନ୍ଦିର ଲକ୍ଷ୍ମୀମନ୍ଦିର ଦେଇରହିବା ପସୁମନ୍ଦିର ଆରି ବିନ୍ଦୁ ରକାମର ବଲି ପର୍ଯ୍ୟନ୍ତସରକେ ସରପି ଦେବାକେ ବାଟଲାଲ ଆଚଡ଼ । ତେବେପାଇ ଆମର ବଡ଼ ପୁଜାରି ମିସା କାଲଟା ମିସା ପର୍ଯ୍ୟନ୍ତସରକେ ସରପାଇବାରୁ ଆଚେ । ୪ ମାତର ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ ସେ ଗଟେକ୍ ପୁଜାରି ନ ଅଇତା । କାଲକେ ବଇଲେ ଜିଉଦିମନ୍ଦିର ନିୟମ୍ ଇସାବେ ଦାନ ସରପିଦେବାକେ ପୁଜାରିମନ୍ଦିର ରଇଲାଲ । ୫ ମାତର ତାକର ସେବା କରବା ଜାଗା ସରଗେ ରଇବା ସଡ଼ ବିସଇ ଅବକା ଗଟେକ୍ ଚାଇପାରା । ସମାନ୍ ସେନ୍ତାରିସେ ମସାର ବେଲେ ଅଇଲା । ସେ ଜେତେବଲ୍ ଗଟେକ୍ ତୁମ୍‌କୁଡ଼ିଆ ତିଆର କରବାକେ ଜାଇତେରଇଲା, ପର୍ଯ୍ୟନ୍ତସର ତାକେ ତିଆରଲା, “ଜାଗରଡ଼ ! ତୁଇ ସୁକଲ୍ ତୁମ୍‌କୁଡ଼ିଆଇ ଜେଡ଼କି କରସୁ ବଇଲେ, ମୁଇ ତକେ ସେଟା ପରବତେ ଦେକାଇଲା ରକାମ୍ କରବାରୁ ଆଚେ ।” ୬ ଏ ଜଗତର ପୁଜାରିମନ୍ଦିର କାମ୍‌ତେଇଅନି ଜନ୍ କାମ୍ ପର୍ଯ୍ୟନ୍ତସର ଜିସୁକେ ସରପିଦେଲା, ସେ କାମ୍ ଅଦିକ୍ ଗୁରୁତୁ ରଇବାଟା । ସେନ୍ତାରିସେ ଜନ୍ ନୁଆ ରାଜିନାମାସଙ୍ଗ୍ ସେ ପର୍ଯ୍ୟନ୍ତସର ଆରି ମନୁସଜାତିକେ ଆରିତରେକ୍ ମିସାଇଲା, ସେଟା ପୁରନା ରାଜିନାମାତେଇ ଅନି ନିକ । କାଲକେବଇଲେ, ନୁଆ ରାଜିନାମାତେଇ ରଇବା ପର୍ଯ୍ୟନ୍ତସରର ସପଡ଼ ସବୁ ବେସି ନିକ ଆଚେ ।

୭ ପରତୁମର ରାଜିନାମାତେଇ ଜଦି କାଲ ବୁଲ୍ ନ ରଇତା, ତେବେ ପର୍ଯ୍ୟନ୍ତସର ସେଟା ନ ବାଦ୍‌ଲାଇତା । ୮ ମାତର ସେ ରାଜିନାମା ମାନିକରି ରଇଲା ଲକ୍ଷ୍ମୀମନ୍ଦିର ଚଲାଚଲ୍‌ତି ସଙ୍ଗ୍ ପର୍ଯ୍ୟନ୍ତସର ସାରଦା ନ ରଇଲା । କାଲକେବଇଲେ ସାସ୍ତରର ମାପୁରୁ ବାକିଅଟାନେ ଲେକା ଅଇଲାଆଚେ,

“ଆଗ୍‌କେ ଗଟେକ୍ ବେଲା ଆଇଲାନି

ଜେତେବେଲ୍ କି ଇସରାଏଲର ଲକ୍ଷ୍ମୀମନ୍ଦିର ଆରି ଜିଉଦାର ଲକ୍ଷ୍ମୀମନ୍ଦିର ମର ନିଜର କରବାକେ ମୁଇ ଗଟେକ୍ ନୁଆ ରାଜିନାମା ଟିକ୍ କରବି ।”

୯ ଏ ନୁଆ ରାଜିନାମା ଆଗର ରାଜିନାମା ପାରା ନ ରଏ । ସେ ରାଜିନାମା ତାକର ଆନିଦାଦିମନ୍ଦିରକେ ମିସର୍‌ଦେସେଅନି ଡାକି ଆନୁଲାବେଲେ ମୁଇ କରଇଲି । ଆଗର ରାଜିନାମାର ମର

ଆଦେସ୍ ସବୁ ସେମନ୍ ମାନଦ୍‌ନାଇ । ତେବର୍‌ପାଇ ମୁଇ ଆରି ସେମନ୍‌ରବାଟେ ନ ଦେକି ।

^{୧୦} ମାପୁରୁ ଆରିତରେକ୍ କଇଲା, ଇସରାଏଲ୍‌ର ଲକ୍‌ମନ୍‌କେ ମର୍ ନିଜର୍ କର୍‌ବାକେ ମୁଇ ଜନ୍ ନୁଆ ରାଜିନାମା ତିଆରକର୍‌ବି ସେଟା ଏନ୍ତାରି ରଇସି । ମୁଇ ମର୍ ଆଦେସ୍ ତାକର୍ ଚିନ୍ତା କଲାଟାନ୍‌ନେ ଦେବି ଆରି ତାକର୍ ମନ୍ ବିତ୍‌ରେ ଲେକ୍‌ବି । ଆରି ମୁଇ ତାକର୍ ପର୍‌ମେସର୍ ଅଇରଇବି ଆରି ସେମନ୍ ମର୍ ନିଜର୍ ଅଇରଇବାଇ ।

^{୧୧} ଏଟାରଲାଗି କେ ମିସା ମର୍ ବିସଇରେ ତାର ସଙ୍ଗର୍ ଲକ୍‌ମନ୍‌କେ ସିକାଇବାକେ ନ ପଡେ । ଆରି ମୁଇ କେ ବଲି କେ ମିସା ତାକର୍ ବାଇମନ୍‌କେ ବାତାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ଼ ଅଅଡ଼ କି ସାନ୍ ଅଅଡ଼ ମୁଇ କେ ବଲି ଜାନ୍‌ବାଇ ।

^{୧୨} ମୁଇ ସେମନ୍‌ର୍ ସବୁ ପାପ୍ କେମା କର୍‌ବି ଆରି ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ ।

^{୧୩} ଏବେ ଗଟେକ୍ ନୁଆ ରାଜିନାମା ଆଟେ ବଲି ପର୍‌ମେସର୍ କଇଲାକେ ପୁର୍‌ନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ତୁ । ଜନ୍‌ଟା ପୁର୍‌ନା ଅଇଗାଲା ଆରି କାଇଟା ପାଇ ମିସା ଲଡାକେ ନ ଆଇଲେ, ସେଟା ବାଇରେ ପିଙ୍ଗିଦେବାଇ ।

୯

ସରଗ୍ ଆରି ମର୍‌ପୁରର୍ ପାର୍‌ତନା

^୧ ପର୍‌ମେସରର୍ ପର୍‌ତୁମ୍ ରାଜିନାମାତେଇ, ତାକେ କେନ୍ତାରି ଉପାସନା କର୍‌ବାର୍ ଆଟେ ବଲି ନିୟମ୍ ରଇଲା । ତାକେ ଏ ଜଗତେ ଉପାସନା କର୍‌ବାକେ ଗଟେକ୍ ତୁମ୍ ଉଟାଇରଇଲା । ^୨ ଏ ତୁମ୍‌ଟାନ୍‌ନେ ଦୁଇଟା ଜାଗା ରଇଲା । ପର୍‌ତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିତ୍‌ରେ ବଡ଼ିସଙ୍ଗଇବା କୁଦ୍‌ରା ଆରି ପର୍‌ମେସର୍‌କେ ସର୍‌ପିଦେବାକେ ରୁଟି ସଙ୍ଗଇବା ଗଟେକ୍ ଟେବୁଲ୍ ରଇଲା । ^୩ ସେ ଜାଗାଇ ପୁର୍‌ବା ବାଟେ ଗଟେକ୍ ପାର୍‌ଦା ରଇଲା । ପାର୍‌ଦାର୍ ପର୍‌ବାଟେ ଜନ୍ ଜାଗା ରଇଲା, ତାକେ ବଡ଼ ସୁକଲ୍ ଜାଗା ବଲି କଇତେ ରଇଲାଇ । ^୪ ସେ ବଡ଼ ସୁକଲ୍ ଜାଗାଇ ଗଟେକ୍ ଦୁପ୍ ପଡାଇବା ସୁନାର୍ ବେଦି ଆରି ସୁନାର୍ ନିୟମ୍ ପେଡି ରଇଲା । ଏ

ନିୟମ୍ ପେଡ଼ି ବିଡ଼ରେ, ମାନା ରଇବା ଗଟେକ୍ ସୁନାର୍ ଆଣ୍ଡି ରଇଲା । ତେଜ ପତର କଅଁଳି ରଇବା ଆରଣ୍ ଦାରି ଇଣ୍ଡିବା ଡାଙ୍ଗ୍ ରଇଲା । ଆରି ପରମେସରର୍ ଆଦେସ୍ ଲେକାଅଇରଇଲା ଦୁଇ କଣ୍ଡି ଚାତଡା ପାକ୍ନା ମିସା ରଇଲା । ^୫ ପେଡ଼ିର୍ ଡାବ୍ନା ଉପରେ ପରମେସରର୍ ଆଚେ ବଲି ଚିନ୍ ଇସାବେ କେରୁବିନ୍ ବଲି ଡାକ୍ବା ଦୁଇଟା ତେନା ରଇଲା ଜୁଡୁର୍ ମୁରତି ରଇଲା । ତାକର୍ ଉଗାଡ଼ିଅଇରଇବା ତେନା ପେଡ଼ିର୍ ଡାବ୍ନା ଉପରେ ଡାବିଅଇଜାଇରଇଲା । ତାର୍ ଉପରେ ବନି ଚିଅଇରଇଲା । ଜେନ୍ତାରିକି ଲକ୍ମନର୍ ପାପକେମା ଅଇଜିବାକେ । ମାତର୍ ଏ ଟିକିନିକି ବିସଇ ବୁଜାଇବାକେ ଲତାନାଇ ।

^୬ ତୁମ୍ ବିଡ଼ରେ ଏ ସବୁ ବିସଇ ସାଜାଡ଼ିଅଇରଇଲା । ପୁଜାରିମନ୍ ସବୁଦିନ୍ ତାମୁ ଗରର୍ ବାଇରର୍ ଜାଗାଇ ପୁରି, ସେମନର୍ କାମ୍ କରବାଇ । ^୭ ମାତର୍ ବିଡ଼ରର୍ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା । ସେ ସିତି ବର୍ସେକ୍ତେ ତରେକ୍ ସେ ଜାଇତେରଇଲା । ସେ ନିଜର୍ ପାଇ ଆରି ଲକ୍ମନ ନ ଜାନିକରି କରିରଇବା ପାପ୍ ପାଇ ବନି ନେଇକରି ଜଦି ନ ପୁରଲେ ସେ ଜାଇନାପାର୍ତେ ରଇଲା । ^୮ ଏ ସବୁ ବିସଇରଲାଗି ସୁକଲ୍ ଆଡ଼ମା ଜାନାଇଲାନି ଜେ, ପରମେସରର୍ ଅଦିକ୍ ସୁକଲ୍ ଜାଗାଇ ପୁରବାକେ ଲକ୍ମନକେ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗୁଡୁର୍ ଆଦେସ୍ ସବୁ ଲକ୍ମନ ମାନିଆଇତେ ରଇଲାଇ । ^୯ ସେ ସବୁ ବିସଇ ଗଟେକ୍ ବାନା ପାରା । ଜନ୍ଟା ସବୁ ଏବର୍ ଦିନେ ସିଦ୍ ଅଇଲା ଆଚେ । କାଇକେବଇଲେ ଜନ୍ ପସୁମନକେ ଉପାସନା ଇସାବେ ଲକ୍ମନ ପରମେସରକେ ସର୍ପି ଦେଇତେ ରଇଲାଇ, ସେଟା ସବୁ ଲକ୍ମନର୍ ବିବେକ୍ ଦଇ ନାପାର୍ଲା । ^{୧୦} କାଇକେବଇଲେ ସେଟା ସବୁ ଗାଗଡ଼ର୍ ଲାଗି ରଇବା ନିୟମ୍ ରଇଲା । ଜେନ୍ତାରି କି, କାଇଟା କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଙ୍ଗ୍ ଦଇବା ବିସଇ, ବାଇରେ ଦେକାଅଇବା ରିତିନିତି ସେ । ପରମେସରର୍ ନୁଆ ନିୟମ୍ ଟିକ୍ ଅଇବାଜାକ, ଏ ସବୁ କରବାଟା ରଇଲା ।

^{୧୧} ମାତର୍ ଆମେ ଜେଡ଼କିଲକ୍ ସବୁରତେଇଅନି ବଡ଼ିଆ ବିସଇ ପାଇଆରୁ, କିରିସ୍ଟ ଆମର୍ ବଡ଼ ପୁଜାରି ଅଇ ଆଇଲା ଆଚେ । ସେ

ସେବା କରୁବା ଜାଗାର ତୁମ୍ଭ ଲଗେ ରଇବା ଅଦିକ୍ ସୁକଲ୍ ଜାଗାଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆତେ । କାଇକେବଇଲେ ସେଟା ଲକ୍ମନ୍ ତିଆର୍ କଲାଟା ନର୍ଏ, କି ଏ ନସିଜିବା ଜଗତର୍ଟା ମିସା ନର୍ଏ ।^{୧୨} କିରିସ୍ଟ ସେ ତାମ୍ଭ ବାଟେଜାଇ ଏକାତରେକ୍ ସେ ବଡ୍ ସୁକଲ୍ ଜାଗାଇ ପୁରୁଲା । ସେ ତେଇ ପୁରୁବା ବେଲେ ବଲି କରୁବାକେ ଚେଲି କି ପସୁ ବନି ନେଇ ନ ଜାଇରଇଲା । ମାତର୍ ସେ ନିଜର୍ ବନି ନେଇକରି ଜନ୍ ଜନ୍ଟା କରୁବାର୍ ରଇଲା, ସେଟା ପୁରାପୁରୁନ୍ କଲା । ଜେନ୍ତାରି କି ଆମ୍ଭକେ ମୁକଲାଇକରି କାଲ୍ କାଲ୍ ଜୁଗ୍ଜୁଗ୍ ପାଇ ମୁକ୍ତି ଦେଲା ।^{୧୩} ଆଗର୍ କାଲେ ଚେଲି ଆରି ବଲଦ୍ମନର୍ ବନି ଆରି ପଡାଇଲା ବାଟିପିଲାର୍ ଚାର୍ ଚିତ୍ବାଟା, ଏସବୁ ଅସୁକଲ୍ ଅଇରଇବା ଲକ୍ମନ୍ ଗାଗଡ୍ ଦଇବା କାମ୍ଭକେସେ ଆଇଲା ।^{୧୪} ଏଟା ଜଦି ଲକ୍ମନ୍ ଗାଗଡ୍ ଦଇପାରୁଲା, ସେନ୍ତାଆଲେ କିରିସ୍ଟର୍ ବନିସଙ୍ଘ୍ ଆରି କେତେକ୍ ଅଦିକ୍ କରିଅଇସି ? ନ ସାରୁବା ଆଡ୍ମାର୍ପାଇ ସେ ନିଜେ ପରମେସରର୍ ସାଇଜ ନେଇ, କାଇ ପାପଦସ୍ ନ ଅଇତେ ବିରୁ ଇସାବେ ନିଜକେ ପୁରାପୁରୁନ୍ ସର୍ପି ଦେଲାଆତେ । ତାର୍ ବନିରୁଲାଗି ବାନିଆ ରିତିନିତି କାମେଅନି ଜିତି କରି ଆମ୍ଭ ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା ପରମେସରର୍ ସେବା କରୁବା ଅଦିକାର୍ ପାଇଆତୁ ।

^{୧୫} ଏଟାର୍ପାଇ କିରିସ୍ଟସେ ନୁଆ ନିୟମ୍ ସାଦନ୍ କଲାଆତେ । ଜେନ୍ତାରି କି, ଜେଡକି ଲକ୍ମନ୍କେ ପରମେସର୍ ଡାକିଆତେ, ସେମନ୍ ପରମେସର୍ ସପଡ୍ କରି କଇରଇବା ନ ସାରୁବା ଆସିରୁବାଦ୍ ପାଇବାଇ । କିରିସ୍ଟ ମଲାର୍ପାଇ ଆଗର୍ ରାଜିନାମାତେଇ କରିରଇବା ସବୁ ପାପେଅନି ସେମନ୍ ମୁକଲ୍ଲାଇ ।

^{୧୬} ଗଟେକ୍ ଲକ୍ ଜଦି ତାର୍ ଦନ୍ ସିପତି ବାଗ୍ ବାଟା କରୁବା ବିସଇର୍ ଚିଟି କରିରଇସି । ସେଟା ଜାନାଇବାକେ ସେ ଲକ୍ ନାଉଁଦାରି ରାଜିନାମା ପାଆଟା ପତର୍ ରଇବାର୍ ଆତେ । ସେ ମରିଗାଲାପତେ ତାର୍ଟା ଜାନାପଡ୍ବାର୍ ଆତେ ।^{୧୭} କାଇକେ ବଇଲେ ବାଗ୍ବାଟା ଲେକିରଇଲା ଲକ୍ ବଠି ରଇଲା ଜାକ, ବାଗ୍ବାଟାର୍ କାଗଜ୍ ପତରର୍ କିଟି ମୁଲିଅ ନାଇ । ସେଟା ତାର୍ ମରିଗାଲା ପତେ ସେ କାମ୍ ଦେଇସି ।^{୧୮} ସେନ୍ତାରିସେ, ପର୍ତୁମ୍

ରାଜିନାମା ମିସା ବନି ଜରାଇଲାକେସେ ସେଟାର ମୁଲିଅ ରଇଲା ।
 ୧୯ ମସା ପରତୁମ୍ ନିୟମର ଆଦେସ୍ ଲକ୍ମନର ଲଗେ କଇଲା ।
 ତାରପତେ ସେ ବଲଦ୍ ଆରି ଚେଲିମନର୍ ବନି ନେଇ ପାନି ସଙ୍ଗ୍
 ମିସାଇଲା । ତାରପତେ ଅଲପ୍ ମେଣ୍ଟାର ବାଲେ ଏସୁବ୍ ନାଉର୍ ଗଟର୍
 କେନ୍ଦିତେଇ ଗୁଡାଇଲା । ପତେ ସେଟା ବନିଟାନେ ବୁଡାଇ ନିୟମର୍
 ବଇତେଇ ଆରି ଲକ୍ମନର୍ ଉପରେ ଚିତ୍ଲା । ୨୦ ସେ କଇଲା,
 ଜନ୍ ନିୟମ୍ ମାନବାକେ ପରମେସର୍ ତମ୍‌କେ ଆଦେସ୍ ଦେଲାଆତେ,
 ଏ ବନି ସେ ନିୟମ୍‌କେ ଚିନ୍ ମାରିଆତେ । ୨୧ ତାରପତେ ମସା
 ସେ ବନିନେଇ ତମ୍, ମନ୍ଦିର୍ ଆରି ପର୍ମେସରକେ ପାରତନା
 କର୍ବାବେଲେ କାମେ ଆଇବା ସବୁ ଜିନିଷ୍ ପତର୍ ଉପରେ ଚିତ୍ଲା
 । ୨୨ କାଇକେବଇଲେ ମସାର ନିୟମ୍ ଇସାବେ ସବୁ ବିସଇ ସୁକଲ୍
 କର୍ବାକେ, ବନି ଦର୍କାର୍ । ବନି ନ ଜରାଇଲେ ପାପ୍ କେମା ନ ଅଏ
 ।

କିରିସ୍ଟ ବଲିଦାନ୍ ଅଇଲାଟା ପାପ୍ ଦୁର୍ କର୍ସି

୨୩ ତେବର୍ପାଇ ଏ ସବୁ ବିସଇ ଜନ୍‌ଟା ସର୍ଗେ ରଇବା ବିସଇ
 ରୁଚାଇସେ ଆତେ । ଏଟା ସବୁ ପସୁମନର୍ ବନିସଙ୍ଗ୍ ସୁକଲ୍
 କରାଇବାକେ ଦର୍କାର୍ ରଇଲା । ମାତର୍ ସରଗର୍ ବିସଇମନ୍‌କେ
 ସୁକଲ୍ କର୍ବାକେ ସର୍ପି ଅଇବାଟା ଅଦିକ୍ ନିକ୍ ଅଇରଇବାର୍
 ରଇଲା । ୨୪ କାଇକେବଇଲେ ଲକ୍ମନର୍ ଆତେ ତିଆର୍ ଅଇଲା
 ସୁକଲ୍ ଜାଗାଇ କିରିସ୍ଟ ଜାଏନାଇ । ସେଟା ସତ୍ ଜାଗାର୍ ଚାୟାସେ
 ରଇଲା । ମାତର୍ ସେ ସତ୍ରେ ସର୍ଗେ ଗାଲା । ଆରି ସେ
 ଏବେ ତେଇ ଆତେ । ପର୍ମେସରର୍ ମୁଆଟେ ଆମର୍ ପାଇ
 ଗୁଆରି କଲାନି । ୨୫ ଜିଉଦିମନର୍ ବଡ୍ ପୁଜାରି ଜେଡ୍‌କି ବରସ୍‌କେ
 ତରେକ୍ ପସୁର୍ ବନି ନେଇ ବଡ୍ ସୁକଲ୍ ଜାଗାଇ ଜାଇସି, ସେନ୍ତାରି
 କିରିସ୍ଟ ନିଜ୍‌କେ ତର୍‌କେ ତର୍ ସର୍ପିଅଇକରି ତେଇ ଜାଏନାଇ ।
 ୨୬ କାଇକେବଇଲେ, ସେ ଜଦି ସେନ୍ତାରି କର୍ତା ଏ ଜଗତ୍ ତିଆର୍
 ଅଇଲା ଦିନେଅନି ସେ ବେସି ତର୍ ଦୁକ୍‌ପାଇବାକେ ଅଇତା । ମାତର୍
 ସେ ଏ ସାରାସାରି ଦିନ୍ ମନ୍‌କେ ତରେକ୍‌ସେ ଏ ଜଗତେ ଆଇଲା ଆରି
 ନିଜ୍‌କେ ସର୍ପିଦେଇକରି ସବୁ ପାପ୍ ଦାରିଗାଲା । ୨୭ ଆମେ ସବୁ
 ଲକ୍ ତରେକ୍ ମର୍ବୁ ଆରି ତାରପତେ ପରମେସରର୍ ମୁଆଟେ ବିଚାର୍

ଦିନେ ଚିଆଅଇବୁ ।^{୨୮} ସେନ୍ତାରିସେ କିରିସ୍ତ ମିସା ସବୁ ଲକର୍ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍ପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମର୍ ପାପର୍ପାଇ ସେ ନ ଆସେ । ମାତର୍ ତାକେ ଜାଗି ରଇଲା ଲକ୍ମନ୍‌କେ ଉଦାର୍ କର୍ବାକେ ଆଇସି ।

୧୦

^୧ ମସାର ନିୟମ୍ ଅବକା ଗଟେକ୍ ବାନା ପାରା ରଇଲା । ଜନ୍ ନିକ ଆସିର୍ବାଦ୍ କିରିସ୍ତ ଆମ୍‌କେ ଦେଇସି, ସେ ଆସିର୍ବାଦର୍ ଗୁନ୍‌ତଲନ୍ ତେଇ ଡିସ୍‌ତେରଇଲା । ମାତର୍ ସେଟା ଆସିର୍ବାଦର୍ ସମାନ୍ ନଏ । ତେବର୍ପାଇ ନିୟମ୍ ମାଙ୍ଗଲା ଇସାବେ, ସେମନ୍ ସବୁ ବରସେ ବଲି ସର୍ପାଇ ଅଇତେରଇଲା । ମାତର୍ ସେ ସବୁ ବଲି ସରପ୍‌ବାଟା ପର୍ମେସର୍‌ଟାନେ ଆଇବା ଲକ୍ମନ୍‌କେ ସିଦ୍ କରିନାପାରଲା ।^୨ ସେନ୍ତାରି ଜନ୍ ଲକ୍ମନ୍ ପର୍ମେସର୍‌କେ ଉପାସନା କର୍ତେରଇଲା, ଜଦି ସେମନ୍ ତାକର୍ ପାପେ ଅନି ସୁକଲ୍ ଅଇତାଇ, ତେବେ ସେମନ୍‌କେ ତାକର୍ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା ।^୩ ମାତର୍ ସବୁ ବରସେ ସେ ସମାନ୍ ବେଲାଇ ବଲି ସର୍ପିଦେବାଟା କର୍ବାକେ ପଡ୍‌ଲା । ସେମନ୍‌ର୍ ପାପ୍ ରଇଗାଲା ଆତେ ବଲି ସେମନ୍ ତେଇଅନି ଜାନ୍‌ଲା ।^୪ କାଇକେବଇଲେ ବଲ୍‌ଦ୍‌ମନ୍‌ର୍ ଆରି ତେଲିମନ୍‌ର୍ ବନି କେବେ ମିସା ଆମର୍ ପାପ୍ ଦାରି ନ ନେଏ ।

^୫ ଆମେ ଜାନିଆରୁ ଜେ, କିରିସ୍ତ ଏ ଜଗତେ ରଇଲାବେଲେ ସେ ତାର୍ ବାବା ପର୍ମେସର୍‌କେ କଇ ରଇଲା, ବଲି ଆରି ସର୍ପିଦେବାଟା ତୁଇ ମନ୍ କରୁସ୍ ନାଇ ।

ସେଟାପାଇ ତୁଇ ମର୍ପାଇ ଗଟେକ୍ ଗାଗଡ୍ ଡିଆର୍ କଲୁସ୍ ।

^୬ ବେଦିଟାନେ ପଡାଇବା ପସୁମନ୍‌କେ

ତୁଇ ମନ୍ କରୁସ୍ ନାଇ ।

କି ପାପ୍ ଦଇନେବା ବଲି ମିସା ନାଇ ।

^୭ ତାର୍‌ପତେ ମୁଇ କଇଲି, ଏ ପରମେସର୍,

ମର୍ ବିସଇ ନିୟମ୍ ବଇଟାନେ

ଜେନ୍ତି ଲେକାଅଇଆତେ,

ସେ ଇସାବେ ତୁଇ ମନ୍ କଲାଟା

ପୁରାପୁରୁନ୍ କରବାକେ ରାଜିଆତି ।

୮ ସେ ପରତୁମ୍ କଇଲା, ତମେ ସର୍ପି ଦେବାଟା, କି ବେଦିଟାନେ ପଡ଼ାଇବାଟା, କି ପାପ୍ ଦାରିନେବା ପସୁମନର୍ ବନି ମନ୍ କରୁସ୍ ନାଇ । ଏ ସବୁ ବଲି ନିୟମ୍ ଇସାବେ ସର୍ପପାଇ ଅଇରଇଲେ ମିସା, ସେ ଏନ୍ତାରି କଇଲା । ୯ ତାର୍ ପଟେ ସେ ଆରିତରେକ୍ କଇଲା, ତୁଇ ଜାଇଟା ମନ୍ କଲୁସ୍ନି ସେଟା ସିଦ୍ କରବାକେ ଏ ପରମେସର୍, ମୁଇ ଇତି ଆତି । ସେନ୍ତାରି ଆଗର୍ପାରା ବଲିଦେବାଟା ପରମେସର୍ ମନାକରି, ତାର୍ ବାଦୁଲେ କିରିସ୍ଟର୍ ବଲି ଟିକ୍ କଲା । ୧୦ କିରିସ୍ଟ ପରମେସର୍ର ମନ୍ କରବାଟା ସାଦନ୍ କଲା । ସେ ତାର୍ ଗାଗଡ୍ ସର୍ପିଦେଇକରି ଏକାତର୍ ସବୁବେଲର୍ପାଇ ଆମର୍ ପାପ୍ ଦଇଦେଲା ।

୧୧ ସବୁ ଜିଉଦି ପୁଜାରିମନ୍ ସେ ସମାନ୍ ବଲି ସର୍ପିଦେଇକରି ଦିନକେଦିନ୍ ଚିଆ ଅଇତେରଇଲା । ମାତର୍ ଏ ବଲି ଲକ୍ମନର୍ ପାପ୍ ନେଇ ନାପାରଲା । ୧୨ ମାତର୍ କିରିସ୍ଟ ତରେକ୍ ସେ ନିଜକେ ବଲିଅଇଲା, ସେଟା ଆମର୍ ପାପ୍କେ ଦାରିଗାଲା ଆରି ସେ ସର୍ପପାଇ ଅଇଲାଟା ସବୁଦିନର୍ ପାଇ ନିକ । ସେ କିରିରଇବା କାମ୍ ସାରାଇଲା ଇସାବେ ଗଟେକ୍ ଚିନ୍ ପାରା, ପରମେସର୍ ଉଜାବାଟେ ବସ୍ଲା । ୧୩ ସେ ଏବେ ମିସା ତେଇସେ ଜାଗିଆଟେ । ଜନ୍ ବେଲାଇ ପରମେସର୍ ତାର୍ ସବୁ ସଡ଼ୁମନକେ ତାର୍ ପାଦେ ଆନ୍ସି । ୧୪ ଗଟେକ୍ ବଲିରଲାଗି ଆମେ ଜେଡକିଲକ୍ ପାପେଅନି ଦଇଅଇ ଆରୁ, ସେ ଆମକେ ସବୁଦିନର୍ ପାଇ ସିଦ୍ କରି ଆଟେ ।

୧୫ ସୁକଲ୍ଆଡ଼ମା ମିସା ଆମକେ ତାର୍ ସାକି ଦେଇ କଇଲାନି,

୧୬ “ମାପୁରୁ କଇଲାନି, ଆଇବା ଦିନମନକେ,

ମୁଇ ଏ ନୁଆଁ ରାଜିନାମା,

ସେ ଲକ୍ମନର୍ପାଇ କର୍ବି ।

ମୁଇ ମର୍ ନିୟମ୍ ସେମନର୍ ମନେ ସଙ୍ଗଇବି ଆରି

ଚିନ୍ତା କରବାଟାନେ ଲେକ୍ବି ।”

୧୭ ସେ ଆରି ତରେକ୍ କଇଲା, ତାକର୍ ପାପ୍ ଆରି କାରାପ୍ ଗୁନ୍ ତଲନ୍ ମୁଇ ପାସ୍ରି ଜିବି । ୧୮ ସେନ୍ତାରି ଏ ସବୁ ବିସଇ କେମା ଅଇଲାର୍ ପାଇ, ତାକର୍ ପାପ୍ ଦାରି ନେବାକେ ବଲି ଆରି ଦେବାକେ ନ ପଡ଼େ ।

ପରମେସରର ଲଗେ ଆଇବାଟା

୧୯ ଏ ମର ବାଇବଇନିମନ୍, ଜିସୁର ମରନର ଲାଗି ଆମେ ଅଦିକ୍ ସୁକଲ୍ ଜାଗାଇ ପୁରବାକେ ଆମ୍ଭକେ ଅଦିକାର୍ ଆଟେ । ୨୦ କାଇକେବଇଲେ, ତାର ଗାଗଡ଼ ସରପି ଅଇଲାଇକେ ପାରଦାବାଟେ ଆମ୍ଭକେ ନୁଆ ଆରି ଜିବନ୍ ରଇବା ବାଟ ଉଗାଡ଼ିଦେଲା ଆଟେ । ୨୧ ଆରି ସେଡ଼କିସେ ନଏଁ, ଆମ୍ଭକେ ଏବେ ଗଟେକ୍ ବଡ଼ ପୁଜାରିଆଟେ । ଜେ କି ପରମେସର ଗରର ଅଦିକାରେ ରଇବା ଲକ୍ । ୨୨ ସେଟାରପାଇ ତେବେ ଆସା, ଆମେ ସତଇସେ ମନକରି ଆରି ଡାଟସଙ୍ଗ୍ ବିସ୍ବାସ୍ କରି ପରମେସରର ଲଗେ ଜୁ । ଆମ୍ଭ ବିବେକ୍ ଆମ୍ଭକେ ଦସ୍ ନ ଦେଲାପାରା କିରିସ୍ଟର୍ ବନିସଙ୍ଗ୍ ଚିତିଅଇକରି ଦଇଅଇ ରଇବାର୍ ଆଟେ । ଆରି ଆମ୍ଭ ଗାଗଡ଼ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆଟେ । ୨୩ ଆମ୍ଭ ଜନ୍ ଆସା ଉଁ, ବଲି ମାନିଆଇଲୁନି, ତାକେ ଡାଟ୍ କରୁ । ଆମେ ଅଇସି କି ନଏଁ ଆଲେ, ବଲି ନ ବାରୁ । କାଇକେବଇଲେ ପରମେସର ଜନ୍ ସପଡ଼ କଲାଆଟେ, ସେଟା ସେ କରସି ଆକା । ୨୪ ଆସା, ଆମେ ବିନ୍ ଲକ୍ମନକେ ମନଦେଇ ସେମନକେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କରି ନିକ କାମ୍ କରୁ । ୨୫ ଜେନ୍ତିକି ଆରି କେତେଲକ୍ କଲାଇନି, ଆମେ ମିସିବିଡ଼ି ରଇବା ବିସ୍ବାସି ବାଇବଇନି ମନର ସଙ୍ଗ୍ ରୁଣ୍ଡବାକେ ଏଲା ନ କରୁ । ତାର ବାଦୁଲେ ଆମ୍ଭ ସଙ୍ଗାରିମନର ବିସ୍ବାସ୍ ଡାଟ୍ କରାଉ । ଆମ୍ଭ ମାପରୁ ଜିସୁ ଆରିତରେକ୍ ଆଇବା ଦିନ୍ ଲଗେ କେଟି ଆଇଲାନି ।

୨୬ କିରିସ୍ଟର୍ ବିସଇତେଇ ରଇବା ସଡ଼, ଆମେ ଜାନିକରି ପାପକରି ଲାଗିରଇଲେ, ଆମ୍ଭ ପାପ ଦାରିନେବାକେ ଆରି କାଇ ବଲି ନାଇ । ୨୭ ସେନ୍ତାରଆଲେ ପରମେସରର ଜନ୍ ବଡ଼ବିଚାର୍ ଦିନ୍ ଆଇଲାନି, ତେଇ ତାର ବେସି ତର ଲାଗୁବା ବିଚାର୍ନାରପାଇ ଜାଗବାକେ ପଡ଼ସି । ପରମେସରର ସବୁ ବିରଦିମନକେ କୁରୁପନାସ୍ କରବା ସେ ବେସି ଲାଗୁତେରଇବା ଜଇର୍ ପାଇ ମିସା ଜାଗବାକେ ପଡ଼ସି । ୨୮ ମସାର ନିୟମ୍ ନ ମାନବା ଗଟେକ୍ ଲକ୍କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର ପାପର ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମରବାକେ ଆଦେସ୍ ଦେଇତେରଇଲାଇ ।

୨୯ ମସୀର ନିୟମ ନ ମାନିବା ଗଣେକ ଲକର ଦସା ସେନ୍ତାରି ରଇଲେ, ପରମେସରର ପଅକେ ଇନ୍ କରୁବା ଗଣେକ ଲକର ଦସା କେତେକ ଅଦିକ୍ ନ ରଏ । ଜଦି ତାର ରାଜିନାମାର ବନିକେ କାଇ ମୁଲିଅ ନାଇ ବଲି ଏଲାଇକରିଦେଲେ, ଏ ବନିର ଲାଗି ସେ ପାପେଅନି ସେ ସୁକଲ୍ ଅଇରଇଲା । ସେନ୍ତାରି କରୁବା ଲକ୍ ପରମେସରର ଆତ୍ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନ୍ଦୁକ୍ କରାଇଲାନି । ତାର ଡଣ୍ଟ କେତେକ୍ ଅଦିକ୍ ନ ଅଏ ।
 ୩୦ କାଇକେବଇଲେ ଆମେ ଜାନିଆରୁ, ପରମେସର କଇଲା, “ବେର୍ ସୁଜାଇବାକେ ମର୍ ଅଦିକାର୍ ଆଚେ । ମୁଇସେ ବାଉଡାଇବି ।” ସେ ଏନ୍ତାରି ମିସା କଇରଇଲା, “ମୁଇସେ ମାପରୁ ଆରି ମର୍ ଲକ୍ମନ୍ଦକେ ମୁଇ ଆକା ବିଚାର୍ କରୁବି ।”
 ୩୧ ଜିବନ୍ ରଇବା ଆରି ସବୁରଟାନେଅନି ବପୁ ରଇବା ପରମେସର ଡଣ୍ଟ ପାଇବାକେ କେତେକ୍ ଡର୍ ଲାଗସି ।

୩୨ ଗାଲା ଦିନ୍ମନ୍ଦକେ ତମେ କେନ୍ତାରି ରଇଲାସ୍, ତମେ ଏତାଇଦେକା । ପରମେସରର ସତ୍ତ୍ ବିସଇର୍ ପାଇ ତମର୍ ମନ୍ ଡଗାଡି ଅଇଲାକେ, ତମକେ ବେସି ଦୁକ୍ କସଟ୍ ଅଇଲେମିସା, ସେଟା ସବୁ ମୁରଟି କରି ରଇଲାସ୍ । ଆରିତେଇ ଆରିଜାଆସ୍ ନାଇ ।
 ୩୩ କେତେ କେତେ ଡର୍ ତମକେ ସବୁର୍ ମୁଆଟେ ଇଜଡ୍ ଜିକ୍ଲାଇ ଆରି କାରାପ୍ ଇସାବେ ଦେକ୍ଲାଇ । କେବେ କେବେ ଜନ୍ ଲକ୍ମନ୍ଦକେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ ।
 ୩୪ ଆରି ବନ୍ଦି ଗରେ ରଇବା ତମର୍ ସଙ୍ଗାରିମନ୍ଦକେ ଦୟା ଦେକାଇଲାସ୍ । ତମରଟାନେ ଜେଡକ୍ ରଇଲାଟା ସେମନ୍ ମାରଦାର୍ କରି ନେଲାବେଲେ, ତମେ ସାରଦାସଙ୍ ମୁରଟି ରଇଲାସ୍ । କାଇକେବଇଲେ, ତମକେ ତାରତେଇଅନି ନିକଟା ଆରି ନ ସାରୁବା ଦିନ୍ ଜାକ ରଇବା ଦନ୍ସପତି ଆଚେ ବଲି ଜାନିରଇଲାସ୍ ।
 ୩୫ ସେଟାର୍ପାଇ ତମର୍ ସାଆସ୍ ଚାଡାନାଇ । ମାତର୍ ସେଟା କରତେରୁଆ । କାଇକେ ବଇଲେ ତମର୍ ଇନାମ୍ ବଡ୍ ରଇସି ।
 ୩୬ ପରମେସରର ମନ୍ କଲାଟା ସାଦନ୍ କରୁବାକେ ତମେ ମୁରଟିକରି ରଇବାର୍ ଆଚେ ଆରି ସେ କାତା ଦେଇରଇବାଟା ତମେ ମିଲାଇସା ।

୩୭ ଜେନ୍ତାରିକି ସାସ୍ତରେ ଲେକା ଅଇଲାଆଚେ,
 ଚନେକ୍ ଜାଗିରୁଆ,

ଜେ ଆଇବାର୍ ଆଚେ, ସେ ଆଇସି ଆକା,

ସେ ଅଲ୍‌ସମ୍ ନ ଅଏ ।
 ୩୮ ମରୁ ଜେଡ଼କି ଦରମ୍ ଲକ୍ ଆତଡ଼,
 ସେମନ୍ ବିସ୍‌ବାସ୍ କରି ବର୍ବାଇ
 ମାତରୁ ଜେ ଜଦି ପରୁକେ ବାଅଡ଼ଲେ
 ମୁଇ ତାରଟାନେ ସାର୍‌ଦା ନ ଅଇ ।
 ୩୯ ମାତରୁ ଆମେ ପରୁମେସରୁକେ ନ ମାନିକରି ତାରୁ ତେଇଅନି
 ବେଗଲି ଜିବା ଲକ୍ ନଉଁ । ମାତରୁ ଆମେ ବିସ୍‌ବାସ୍ କରି ରକିଆ
 ପାଇଲା ଲକ୍‌ମନରୁ ସଙ୍ଗୁ ଆରୁ ।

୧୧

ବିସ୍‌ବାସ୍

୧ ତେବେ ବିସ୍‌ବାସ୍ ଆଲେ କାଇଟା ? ଜନ୍ ବିସ୍‌ଇରୁ ପାଇ
 ଆମେ ଆସା କଲୁନି, ସେଟା ସିଦ୍ ଅଇସି ଆକା ବଲି ଆମରୁ ମନେ
 ଜାନ୍‌ବାଟା ଅଇଲାନି ବିସ୍‌ବାସ୍ । ଆରି ଜନ୍‌ଟା ଆମେ ଦେକି ନାପାରୁ,
 ସତଇସେ ଆତେ ବଲି ଜାନ୍‌ବାଟା, ମିସା ବିସ୍‌ବାସ୍ ।^୨ ପୁରୁବେ ରଇବା
 ଆମରୁ ଆନିଦାଦିମନରୁ ବିସ୍‌ବାସରୁ ଲାଗି ପରୁମେସରୁ ସେମନ୍‌କେ
 ମନ୍‌କଲା ।

୩ ✨ଆମରୁ ବିସ୍‌ବାସରୁଲାଗି, ଏ ଜଗଡ଼ୁ ଆରି ତେଇ ରଇବା
 ସବୁଜାକ ପରୁମେସରୁ ଆଦେସ୍ ଇସାବେ ତିଆରୁ ଅଇଲାଆତେ
 ବଲି ଆମେ ଜାନ୍‌ଲୁନି । ତେବେ ଜନ୍‌ଟା ଦେକି ଅଇଲାନି, ସେଟା
 ଦେକି ନ ରଇଲା ଟାନେଅନି ତିଆରୁ ଅଇଆତେ ।

୪ ଏବଲରୁ ବିସଇ ବାବି ଦେକୁ । ତାରୁ ବିସ୍‌ବାସରୁ ଲାଗି
 ସେ ଜନ୍‌ଟା ପରୁମେସରୁକେ ସରୁପି ଦେଇରଇଲା, ତାରୁ ବାଇ
 କଇନ୍ ଦେଲାଟାନେଅନି ନିକରଇଲା । ତାରୁ ବିସ୍‌ବାସରୁ ଲାଗି
 ପରୁମେସରୁ ତାକେ ଦରମ୍ ବଲି ଏଜାଇଲା । ସେ ସରୁପିଦେଲାଟା
 ପରୁମେସରୁ ମାନ୍‌ଲାକେ ଆମେ ଏଟା ଜାନ୍‌ଲୁନି । ତେବରୁପାଇ
 ଏବଲ୍ ମରିଗାଲେମିସା ତାରୁ ବିସ୍‌ବାସରୁ ଲାଗି, ସେ ଆମ୍‌କେ
 କାଇକାଇଟା କଇଲାନି ।

୫ ଆରି ଗଟେକ୍ ଲକ୍ ରଇଲା ଇନକ୍, ତାରୁ ବିସ୍‌ବାସରୁ ଲାଗି
 ସେ ମରେନାଇ, ମାତରୁ ଜିବନ୍ ରଇତେ ତାକେ ପରୁମେସରୁ

ଦାରିଗାଲା । ତେବେ ସେମାନେ ତାଙ୍କେ କଢ଼ିଲାକ୍ଷଣିୟା ମିଳାଇ ନାପାଠ୍ୟଲାଇ । କାଳକେବଳେ ପର୍ଯ୍ୟେସର୍ ତାଙ୍କେ ନେଇରଇଲା । ସାବ୍ତରେ ଏନ୍ତାରି ଲେକା ଅଇଲାଆତେ, ତାଙ୍କେ ଦାରି ନେବା ଆଗ୍ତୁ ପର୍ଯ୍ୟେସର୍ ତାଙ୍କେ ମନ୍ କରଇରଇଲା । ^୬ ତେବର୍ପାଇ ଜନ୍ ଲକ୍ମନ୍ ପର୍ଯ୍ୟେସର୍ ଲଗେ ଆଇବାକେ ମନ୍ କଲାକ୍ଷଣି, ପର୍ଯ୍ୟେସର୍ ଆତେ ବଲି ବିସ୍ବାସ୍ କରବାର ଆତେ । ଜେଡ଼କି ଲକ୍ମନ୍ ତାଙ୍କେ କଢ଼ିଲାକ୍ଷଣି, ସେ ସେମାନର୍ ଆସା କଲାଟା ପୁରାପୁରୁନ୍ କର୍ସି ।

^୭ ନଅର୍ ବିସଇ ବାବିଦେକା । ତାର ବିସ୍ବାସର୍ ଲାଗି ପର୍ଯ୍ୟେସର୍ ଅଇବା ବିସଇ ପର୍ଯ୍ୟେସର୍ ତାଙ୍କେ ଜାଗ୍‌ରଡ଼ କରାଇଲାକେ, ସେ କାତା, ସେ ଏଲାକରେ ନାଇ । ତାର ଆଗ୍ତୁ ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ବାସ୍ କଲା । ତାରପତେ ସେ ଆରି ତାର କୁଟୁମ୍ ରକିଆ ପାଇବାକେ ଗଟେକ୍ ବଡ଼ ଡଙ୍ଗା ତିଆର୍ କଲା । ତାର ବିସ୍ବାସର୍ ଲାଗି ପର୍ଯ୍ୟେସର୍ ତାଙ୍କେ ଦରମ୍ ଲକ୍ ବଲି ଏଇଲା, ମାତର୍ ବିନ୍‌ଲକ୍ମନ୍‌କେ ଦସି କଲା ।

^୮ ଅବ୍ରାଆମ୍ ମିସା ତାର ବିସ୍ବାସର୍ ଲାଗି ପର୍ଯ୍ୟେସର୍ କାତା ମାନ୍‌ଲା । ପର୍ଯ୍ୟେସର୍ ତାରପାଇ ସଙ୍ଗଇରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍‌ରେ ମାନ୍‌ଲା ଆରି ବାରଇଲା । ସେ କନ୍ତି ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍ କଲା । ^୯ ତାର ବିସ୍ବାସର୍ ଲାଗି ପର୍ଯ୍ୟେସର୍ ତାଙ୍କେ ଦେବି ବଲି କାତା ଦେଇରଇଲା ଦେସେ, ସେ ବିନ୍‌ଦେସର୍ ଲକ୍ ପାରା ତୁମ୍ ଟାନି ରଇଲା । ସେନ୍ତାରିସେ ତାର ପଅ ଇସାକ୍ ଆରି ଜାକୁବ୍ ତାର ନାତି ମିସା ପର୍ଯ୍ୟେସର୍ କାତା ଦେଇରଇଲାଟା ମିଳାଇବାଟାନେ ମିସ୍‌ଲାକ୍ । ^{୧୦} ଅବ୍ରାଆମ୍ ସେନ୍ତାରି ଜାଗାଇ ମୁରତିକରି ରଇଲା । କାଳକେବଳେ ପର୍ଯ୍ୟେସର୍ ତିଆର୍ କଲା ସବୁଦିନ୍ ରଇବା ସରଗର୍ ନଅରେ ରଇବି ବଲି ସେ ଆସାକଲା ।

^{୧୧} ତାର ବିସ୍ବାସର୍ ଲାଗି ଅବ୍ରାଆମ୍ ବେସି ଡକ୍‌ରା ରଇଲା ମିସା ଆରି ତାର ମାଇଜି ସାଆରା ବାଞ୍ଜି ରଇଲେ ମିସା, ବାବା ଅଇଲା । ପର୍ଯ୍ୟେସର୍ କାତା ଦେଇରଇଲାଟା ସିଦ୍ କର୍ସିଆକା ବଲି ସେ ଜାନିରଇଲା । ^{୧୨} ଅବ୍ରାଆମ୍ କୁଲ୍‌କୁଲା ଡକ୍‌ରା ଅଇଲାକେ ସେ ପିଲାଜିଲା କରି ନାପାଠ୍ୟଲାଇ । ଅଇଲେମିସା ତାର ନାତିତିତିମନ୍

ବାଦଲରୁ ତାରା ପାରା ଆରି ସମ୍ବୁରେ ରଇବା ବାଲି ପାରା ଜବର୍ ଅଇଗାଲାଇ ।

୧୩ ଏ ସବୁ ଲକ୍ଷ୍ମୀନ୍ ସେମନ୍ ମଲାବେଲେ ମିସା ପର୍ଯ୍ୟନ୍ତକେ ବିସ୍ବାସ୍ କର୍ତ୍ତେ ରଇଲାଇ । ପର୍ଯ୍ୟନ୍ତକେ ସେମନ୍କେ କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ ମିସା, ଜନ୍ତା ପାଇବାଇ, ସେଟା ଦୁରିକେଅନି ଦେକ୍ଲାପାରା ଦେକି ସାରଦା ଅଇଲାଇ । ଏ ଜଗତେ ସେମନ୍ ବିନ୍ ଦେସର୍ ପାରା ଆରି ନିଜର୍ ଦେସେ ନ ରଇଲା ଲକ୍ଷ୍ମୀପାରା ମାନିଅଇକରି ରଇଲାଇ । ୧୪ ସେମନ୍ ମାନିଅଇ ରଇଲାଟାନ୍ଦେ ଅନି ଆମେ ଜାନ୍ତୁ ଜେ, ସେମନ୍ ନିଜର୍ଟା ବଲି ଜାନାଇବା ଗଟେକ୍ ଦେସ୍ କଜ୍ତେ ରଇଲାଇ । ୧୫ ସେମନ୍ ଚାଡ଼ିକରି ଆସିରଇବା ଦେସ୍ ବିସଇନେଇ ଚିନ୍ତା କରନ୍ତୁନାଇ । ସେନ୍ତାରି କରତାଇଆଲେ, ସେମନ୍ ବାଉଡ଼ବାକେ ଅଇତା । ୧୬ ସେମନ୍ ଚାଡ଼ିଆଇଲା ନଅର୍ତେଇଅନି ଅଦିକ୍ ନିକ ଗଟେକ୍ ନଅର୍ତେ ପାଇ ତାକର୍ ଆକି ରଇଲା । କାଇକେବଇଲେ, ସେମନ୍ ସରଗ୍ ଦେସ୍ ପାରାଟା କଜ୍ତେରଇଲାଇ । ସେମନ୍ ତାକେ ପର୍ଯ୍ୟନ୍ତକେ ବଲି ଡାକ୍ଲାଟ୍ ପାଇ, ସେ ଲାଜ୍ ଅଏନାଇ । କାଇକେବଇଲେ ସେ ତାକର୍ପାଇ ଗଟେକ୍ ନଅର୍ ତିଆରକଲା ଆଟେ ।

୧୭ ତାର୍ ବିସ୍ବାସ୍ ଲାଗି ଅବ୍ରାଆମ୍ ଜେଡେବେଲେ ପର୍ଯ୍ୟନ୍ତକେ ତାକେ ପରିକା କଲା, ସେ ତାର୍ ପଅକେ ବଲି ଇସାବେ ସର୍ପି ଦେଲା । ମାତର୍ ପର୍ଯ୍ୟନ୍ତକେ କାତା ଦେଇରଇଲାଟାନ୍ଦେ ଅବ୍ରାଆମ୍ ବିସ୍ବାସ୍ ଡାକ୍ ରଇଲା । ଆରି ସେ ତାର୍ ଗଟେକ୍ ବଲି ପଅ ଇସାକ୍କେ ବଲି ଇସାବେ ଦେବାକେ ରାଜି ରଇଲା । ୧୮ ତାର୍ ପଅ ଇସାକ୍ ଲାଗି, ତାର୍ ନାତିତିମନ୍ ଜବର୍ ଅଇଜିବାଇ ବଲି ପର୍ଯ୍ୟନ୍ତକେ ତାକେ କାତା ଦେଇରଇଲା । ୧୯ ଜଦି ଇସାକ୍ ମରିଗାଲେ, ପର୍ଯ୍ୟନ୍ତକେ ତାକେ ଜିବନ୍ କରି ଉଟାଇପାରସି ବଲି ଅବ୍ରାଆମ୍ ବାବିରଇଲା । ଆରି ସେବେଲେ ସେନ୍ତାରିସେ ତାକେ ମଲାତେଇଅନି ଜିବନ୍ ଅଇକରି ପାଇଲା ପାରା ସେ ରଇଲା ।

୨୦ ଇସାକ୍ ତାର୍ ବିସ୍ବାସ୍ ଲାଗି, ତାର୍ ପଅମନ୍ ଜାକୁବ୍ ଆରି ଏସ୍ଅକେ ଆଇବା ଦିନମନ୍ ପାଇ ଆସିର୍ବାଦ୍ ଦେଲା ।

୨୧ ଜାକୁବ୍ ତାର୍ ବିସ୍ବାସ୍ ଲାଗି, ସେ ମର୍ବା ବେଲେ ତାର୍ ନାତିତିମନ୍ ଜେ କି ଜସେପର୍ ପଅମନ୍କେ ଆସିର୍ବାଦ୍ କଲା ।

ସେ ଦାରିକରି ଇଣ୍ଡ୍ରା ଡାଙ୍ଗ ଉପରେ ଆଉଜି କରି ପର୍ଯ୍ୟେସରକେ ଉପାସନା କଲା ।

୨୨ ଜସେପ୍ ତାର ବିସ୍ବାସର ଲାଗି ସେ ମର୍ବାବେଲେ ଆଇବା ଦନ୍ଦମନ୍ଦକେ ଇସ୍ରାଏଲର ଲକ୍ଷ୍ମଣ ସବୁ ମିସର ଦେସ୍ ଚାଡ଼ି ଜିବାଇ ବଲି କଇରଇଲା । ଆରି ତାର ମଲା ଗାଗଡ଼ସଙ୍ଗ୍ କାଇଟା କର୍ବାର୍ ଆଟେ ବଲି ସେମନ୍ଦକେ ତିଆରି ରଇଲା ।

୨୩ ମସାର୍ ଆୟାବାବାମନ୍ ତାକର୍ ବିସ୍ବାସର ଲାଗି ଏବ୍ରିଅମନ୍ଦର ପିଲାଟକିକେ ମରାଇବାର୍ ଆଟେ ବଲି ରାଜା ଆଦେସ୍ ଦେଇରଇଲା ମିସା, ସେମନ୍ ମସା ଜନମ୍ ଅଇଲାକେ ତାକେ ତିନ୍ମାସ୍ ଲୁଚାଇକରି ସଙ୍ଗାଇଲା । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକ୍ଲା । ରାଜା ଆଦେସ୍ କଲାଟାକେ ସେମନ୍ ଡରଡ଼ ନାଇ ।

୨୪ ମସା ତାର ବିସ୍ବାସର ଲାଗି, ସେ ବଡ଼ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ଦ କରି ନ ରଇଲା । ୨୫ ଚନେକର୍ପାଇ ସାର୍ଦା ଦେବା ପାପ୍ କର୍ବାଡେଇଅନି, ପର୍ଯ୍ୟେସର ଲକ୍ଷ୍ମଣର ସଙ୍ଗ୍ କସ୍ଟ ଅଇରଇବାଟା ଅଦିକ୍ ନିକ ବଲି ସେ ବାବ୍ଲା । ୨୬ ମସିଅର୍ ଲାଗି ଲାଜ୍ପାଇ ମୁରତିକରି ରଇବାଟା ମିସର ଦେସେଅନି ମିଲାଇରଇବା ବଡ଼ ଦନ୍ଦ ସ୍ପତିଡେଇଅନି ଅଦିକ୍ ନିକଟା ବଲି ସେ ବାବ୍ଲା । ଆଇବା ଦନ୍ଦମନ୍ଦକେ ମିଲାଇବା ପୁରୁସ୍କାର୍ଟାନେ ସେ ଆକିପାକାଇ ରଇଲା ।

୨୭ ତାର ବିସ୍ବାସର ଲାଗି, ସେବେଲେ ସେ ମିସରଦେସ୍ ଚାଡ଼ିଆଇଲା । କାଇକେବଇଲେ, ସେ ରାଜାର୍ ରିସା ଡରେନାଇ । ଆକିସଙ୍ଗ୍ ଦେକି ନାପାର୍ବା ପର୍ଯ୍ୟେସରକେ ଦେକ୍ଲା ପାରା ସେ ଆରି ସେ ଦେସେ ବାଡ଼ଡେନାଇ । ୨୮ ତାର ବିସ୍ବାସର ଲାଗି ସେ ନିସ୍ତାର୍ ପରବ୍ ମାନ୍ଲା ଆରି ଇସ୍ରାଏଲ ଲକ୍ଷ୍ମଣର ରଇବା ଗରର୍ କାପାଟେ, ଗଟେକ୍ ମେଣ୍ଡାପିଲାର୍ ବନି ଚିର୍ବାକେ ଆଦେସ୍ ଦେଲା । ସେ ଏନ୍ତାରି କଲାକେ ପର୍ଯ୍ୟେସରର୍ ଦୁଡ଼ ଇସ୍ରାଏଲ ଲକ୍ଷ୍ମଣର ପଣ୍ଡୁଆ ପିଲାମନ୍ଦକେ ମରାଏ ନାଇ ।

୨୯ ଇସ୍ରାଏଲର ଲକ୍ଷ୍ମଣ ତାକର୍ ବିସ୍ବାସର ଲାଗି ଲଇଡ଼ ନାଉର୍ ସମ୍ପୁର୍ ବିଡ଼ରେ ସୁକ୍ଲା ବୁଇପାରା ଇଣ୍ଡ୍ରା ଇଣ୍ଡ୍ରା ଲଙ୍ଗଲାଇ

। ସେମାନଙ୍କେ କେଦି ଆନନ୍ଦେରଇବା ମିସର ଦେସର ଲକ୍ଷ୍ମୀନ୍, ସେନ୍ତାରି ଲକ୍ଷ୍ମୀବାକେ ଚେସ୍ତା କଲାକେ ସେମନ୍ ସବୁଲକ୍ଷ୍ମୀ ବୁଡ଼ିଗାଲା । କାଇକେବଇଲେ ଜନ୍ ସମସ୍ତରେ ସେମନ୍ ଇଶ୍ଵରା ବେଲେ ପାନି ଦୁଇବାଗ୍ ଅଇରଇଲା, ପର୍ମେସର ସେ ପାନି ମିସାଇଦେଲା ।

୩୦ ଇସ୍ରାଏଲର ଲକ୍ଷ୍ମୀନ୍ ତାକର୍ ବିସ୍ଵାସର ଲାଗି ଜିରିକର୍ ପାରୁରିତେଇ ଆସି ସାଡ଼ ଦିନ୍ ଜାକ ତେଇ ବୁଲ୍ଲାଇକେ ତାର୍ ପାରୁରି ବସ୍ତାଗାଲା । ୩୧ ଜେରିକର୍ ନଅରେ ରଇବା ରାଆର୍ ନାଉର୍ ଗଟେକ୍ ବେସିଆ ମାଇଜି, ତାର୍ ବିସ୍ଵାସର ଲାଗି ପର୍ମେସରକେ ନ ମାନିକରି ରଇବା ଲକ୍ଷ୍ମୀନ୍ ସଙ୍ଗ୍ ମରେନାଇ । ଇସ୍ରାଏଲର କବର୍ ନେବା ଲକ୍ଷ୍ମୀନ୍ ଲୁଚ୍ତେ ନଅରେ ଆଇଲାବେଲେ ରାଆର୍ ସେମନ୍ଙ୍କେ ସାଇଜ କଲା ।

୩୨ ମୁଇ ଇତି ତେବି । କାଇକେବଇଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍, ସାମ୍ସନ୍, ଜେପ୍ତା, ସାମୁଏଲ୍, ଆରି ବବିସ୍ତବକ୍ତାମନର୍ ବିସ୍ଵାସ୍ ବିସଇ କାତା ଅଇବାକେ ବେଲା ନ କେଟେ । ୩୩ ତାକର୍ ବିସ୍ଵାସର ଲାଗି କେତେକ୍ ଲକ୍ଷ୍ମୀନ୍ ରାଇଜେ ଜୁଇଦ୍ କରି ଜିତ୍ତାଇ । ବିନ୍ଲକ୍ଷ୍ମୀନ୍ ଦରମ୍ ଚଲାତଲ୍ତିକରି ପର୍ମେସର କାତା ଦେଇରଇବାଟା ମିଲାଇଲା । ସେମନ୍ ବାଦ୍‌ରା ସିଅମନ୍ଙ୍କେ ଆରାଇଲା । ୩୪ ବିନ୍ ଲକ୍ଷ୍ମୀନ୍ ତାକର୍ ବିସ୍ଵାସର ଲାଗି ଜବର୍ ଜଇଲାଟ୍‌ଲାଇ ମିସା ପଡ଼ନାଇ, । କାଣ୍ଡାତେଇଅନି ରକିଆ ପାଇଲା । ସେମନ୍ ଦୁର୍ବଲ୍ ରଇଲା । ମାତର୍ ତାକର୍ ବିସ୍ଵାସର ଲାଗି ତାଟ୍ ଅଇଲା । ଜୁଇଦ୍‌କରବାକେ ବପୁ ଅଇଲା । ସଡ଼ୁମନ୍‌ର ସଇନମନ୍ଙ୍କେ ଆରାଇଲା । ୩୫ କେତେଟା ମାଇଜିମନ୍ ମିସା ତାକର୍ ବିସ୍ଵାସର ଲାଗି ସେମନ୍‌ର କୁଟୁମ୍‌ର ଲକ୍ଷ୍ମୀନ୍ଙ୍କେ ମଲାତେଇଅନି ଜିବନ୍ ଅଇତେ ମିଲାଇଲା । ବିସ୍ଵାସିମନ୍ଙ୍କେ ବନ୍ଦିକରି ନେଲା ।

ସେମନ୍ ମର୍ବାଜାକ ଦୁକ୍ କସ୍ଟ ପାଇଲେ ମିସା ତାକର୍ ବିସ୍ଵାସ୍ ଚାଡ଼ ନାଇ । ଆଇବା ଦିନମନ୍ଙ୍କେ ଅଦିକ୍ ନିକ ଜିବନ୍ ପାଇବୁ ବଲି ସେନ୍ତାରି ଅଇକରି ମଲା । ୩୬ କେତେ ଲକ୍ଷ୍ମୀନ୍ କିଜାଇଲା, କର୍ତ୍ତା ମାରାଇଲା, ବିନ୍ ଲକ୍ଷ୍ମୀନ୍ଙ୍କେ ବାନ୍ଦିକରି ଜଇଲେ ପୁରାଇଲା, ୩୭ ବିନ୍ ଲକ୍ଷ୍ମୀନ୍ଙ୍କେ ପାକ୍‌ନା

ମାରାଜ ମରାଜଲାଇ, । ଦୁଇପତାକରି କାଟାଇଲାଇ, କାଣ୍ଡା ସଙ୍ଗ
 ମାରାଜଲାଇ । କେତେକ୍ ଲକ୍ ତାକର୍ ବିସ୍ବାସ୍ ଚାତୁନାଇକେ
 ଅବ୍କା ଚେଲିମେଣ୍ଡା ଚାମ୍ବେ ଲୁଗାଠପାଇ ରଇଲା । ସେମନ୍
 ବେସି ଅର୍କିଡ୍ ରଇଲା । ସେମନ୍କେ ସାଦ୍ବାନ୍ କରି ତାତୁନା
 କଲା । ୩୮ ଏ ଜଗତର୍ କାରାପ୍ ଲକ୍ମନ୍, ସେ ଦରମ୍ ଲକ୍ମନ୍
 ସଙ୍ଗ୍ ମିସ୍ବାକେ ସମାନ୍ ନ ରଇଲା, ବିନ୍ ବିସ୍ବାସିମନ୍ ନିଜର୍
 ଗରୁଆର୍ ଚାଡି ଆଜିଜାଇରଇବା ଲକ୍ମନ୍ ପାରା ମରୁବାଲି ବୁର୍ସ୍,
 ଆରି କୁପ୍ଲିତେଇ ରଇବା ପାଆରେ, ଆରି କଲେ ରଇଲା ।

୩୯ ତାକର୍ ବିସ୍ବାସର୍ ଲାଗି ସେମନ୍ ତାକ୍ପୁଟା ଅଇଲା ।
 ଏଲେମିସା ପର୍ମେସର୍ କାତା ଦେଇରଇବାଟା ସେମନ୍ ମିଲାଅଡ୍
 ନାଇ । ୪୦ କାଇକେବଇଲେ ପର୍ମେସର୍ ଗଟେକ୍ ବେସି ନିକ ଜଜ୍ନା
 ଆମର୍ପାଇ ଟିକ୍ କଲାଆଟେ । ଆମେ ସେ ଲକ୍ମନ୍ ସଙ୍ଗ୍ ନ
 ମିସ୍ବାଜାକ, ସେ ସେମନ୍କେ କାତା ଦେଇରଇଲାଟା ସିଦ୍ ନ କରେ
 ।

୧୨

ପର୍ମେସର୍ ଆମର୍ ବାବା

୧ ଏବେ ଆମେ ସବୁ ଆରାଜିତାଟାନେ ପାଲାଇବା ଲକ୍ମନ୍ ପାରା
 ଆରୁ । ଆମର୍ ଚାରିବେଟି ଗଟେକ୍ ବଡ୍ ଦଲର୍ ସାକିମନ୍
 ଦେକ୍ଲାଇନି । ତେବର୍ପାଇ ଜନ୍ମାମନ୍ ଆମ୍ବେ ବାଦା ଦେଲାନି,
 ଆରି ଜନ୍ ପାପମନ୍ ଆମ୍ବେ ପର୍ବେ ଜିକ୍ଲାନି, ସେଟା ସବୁ ବେଟି
 ପିଙ୍ଗିଦେବାର୍ । ଜନ୍ ଆରାଜିତା ଅଇ ପାଲାଇବାଟା ପର୍ମେସର୍
 ଆମର୍ ମୁଆଟେ ସଙ୍ଗିଆଟେ, ତେଇ ଆମେ ମୁର୍ଚିକରି ପାଲାଇ
 ସାରାଇଦେଉଁ । ୨ ଆମର୍ ଆକି ଜିସୁର୍ଟାନେ ସଙ୍ଗି । ତାକେ
 ଆମେ ଆରାମେ ଅନି ସାରାସାରି ଜାକ ବିସ୍ବାସ୍ କରିଆରୁ । ଜନ୍
 ସାରଦା ତାର୍ ମୁଆଟେ ସଙ୍ଗିରଇଲା, ସେ ସାରଦାର୍ଲାଗି ରଇବା
 ଦୁକ୍କସ୍ ମୁର୍ଚି କରି ରଇଲା । ଆରି ତେଇ ମର୍ବା ଲାଜର୍ ବିସଇ
 ମନେ ଦାରେନାଇ । ପର୍ମେସର୍ ଆଜି ଜନ୍ ଜାଗାଇ ବସ୍ଲାଆଟେ,
 ତାର୍ ଉଜାବାଟେ ସେ ମିସା ବସ୍ଲାଆଟେ ।

୩ ବାବିଦେକା, ସେ କେତେକ୍ ଦୁକ୍ କସ୍ ପାଇଆଟେ । ସେ
 ପାପିମନ୍ ଟାନେଅନି କେତେକ୍ ଉଡା ସୁନିଆଟେ । ଜେନ୍ତାରିକି ଆସା

ନ କରି ଚାଡ଼ି ଦିଆସ୍ ନାଇ । ୪ କାଇକେବଇଲେ ପାପର୍ ବିରୁଦେ ଆଇବା ଜୁଇଦେ ବନି ଜର୍ବା ଏଡ଼କି ତମେ କରାସ୍ ନାଇତା । ୫ ପର୍ମେସରର୍ ସାସ୍ତରେ ଲେକା ଅଇଲାଟା ତମେ ପାସ୍ରିଗାଲାସ୍ କି ? ସେ ତାର ପିଲାଜିଲାମନ୍‌କେ ମନ୍ ସାର୍ଦା କରାଇ ଏନ୍ତାରି କଇରଇଲା । ସେ କଇଲା,

ମର୍ ପଅ ମାପୁରୁର୍ ସାସନ୍ କରବାଟା ଏଲା କରବାର ନାଇ ।
ସେ ତମ୍‌କେ ଡଣ୍ଟ ଦେବାବେଲେ ଆସା ଚାଡ଼ବାର ନାଇ ।

୬ କାଇକେବଇଲେ ମାପୁରୁ ଜେଡ଼କି ଲକ୍‌କେ ଆଲାଦ୍ କର୍ସି,
ସେଡ଼କି ଲକ୍‌କେ ସେ ସାସନ୍ କର୍ସି ।
ଆରି ଜେଡ଼କି ଲକ୍‌କେ ତାର ପିଲାଜିଲା ବଲି ଏଜିଆଟେ
ସେ ସବୁ ଲକ୍‌କେ ଡଣ୍ଟ ଦେଇସି ।

୭ ତେବର୍‌ପାଇ ତମର୍ ଦୁକ୍‌କସ୍‌ଟ ସବୁ ତମର୍ ବାବାର୍‌ତେଇଅନି ମିଲିରଇବା ଡଣ୍ଟ ପାରା ବଲି ବାବ୍‌ବାର୍ ଆଟେ । ପର୍ମେସର୍ ତମ୍‌କେ ତାର ପିଲା ଜିଲା ବଲି ଏଜ୍‌ଲାମି । ଏଟା ତମର୍ ଦୁକ୍‌କସ୍‌ଟ ପାଇବାତେଇଅନି ଜାନାପଡ଼ସି । କାଇକେବଇଲେ, ତାର ପିଲାକେ ଡଣ୍ଟ ନ ଦେଲା ବାବା କେ ଆଟେ ? 「 ତେବର୍‌ପାଇ ତାର ସବୁ ପିଲାଜିଲାପାରା ପର୍ମେସର୍ ଜଦି ତମ୍‌କେ ଡଣ୍ଟ ନ ଦେଏ, ତାର ଅରଡ଼ ଅଇଲାମି ସତଇସେ ତମେ ତାର ପିଲାଜିଲା ନୁଆସ୍, ମାତର୍ ଉପକା ପିଲାଜିଲା । ୮ ଆମ୍‌କେ ଜନମ୍ ଦେଲା ବାବାମନ୍ ଡଣ୍ଟ ଦେଇରଇଲାଇ ଆରି ସେଟାର୍‌ପାଇ ଆମେ ସେମନ୍‌କେ ମାନିଅ କର୍‌ତେରଇଲୁ । ସେନ୍ତାର୍‌ଆଲେ ସର୍‌ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍ ନିଜ୍‌କେ ସର୍‌ପିଅଇ ବର୍‌ବୁ ? ୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍‌ବା ଇସାବେ, ଚନେକର୍‌ପାଇ ରଇବା ଏ ଜିବନେ ଆମ୍‌କେ ଡଣ୍ଟ ଦେଇରଇଲାଇ । ମାତର୍ ଜେଡେବେଲେ ପର୍ମେସର୍ ଆମ୍‌କେ ଡଣ୍ଟ ଦେଇସି, ଆମର୍ ନିକପାଇ ଦେଇସି । ଜେନ୍ତାରିକି ଆମେମିସା ତାର୍‌ପାରା ସୁକଲୁ ଅଇବୁ । ୧୧ ଜେଡେବେଲେ ଡଣ୍ଟ ପାଇବୁ, ଆମେ ସାର୍‌ଦା ନ ଅଉଁ, ମାତର୍ ଦୁକ୍ ଅଇବୁ । ସେଟା ସଡ଼, ମାତର୍ ସେ ଡଣ୍ଟ ପାଇଲାତେଇଅନି କାଇକାଇଟା ସିକ୍‌ଲା ପଟେ, ସେଟା ନିକ ବଲି ବାବୁ । କାଇକେବଇଲେ ସେଟା ଆମ୍‌କେ ସାନ୍ତିସଙ୍ଗ୍ ରଇବା ମନ୍ ଆରି ଗଟେକ୍ ଦରମ୍ ଚଲାଚଲ୍‌ତି କରବାକେ ସାଇଜ କର୍‌ସି ।

ସିଦ୍ଧି ଆରି ଚେତନା

୧୨ ତେବର୍ପାଇ ଅଦୁଆ ଅଇରଇବା ଆଡ଼ ଉଟାଆ ଆରି ଲୁଡ଼ଗୁଡ଼ି ଜାଇତେରଇବା ମାଣ୍ଡିମନ୍ ଡା଼କରା । ୧୩ ସଲକ୍ ବାଟେ ଇଣ୍ଡିଜା । ସେନ୍ତାରିକଲେ ତମର୍ ନ ଆଇବା ପାଦ୍ ନିକଅଇ ଡା଼କ୍ ଅଇସି ।

୧୪ ସବୁ ଲକର୍ ସଙ୍ଗ୍ ସୁସାରେ ଆରି ସୁକଲ୍ ସଙ୍ଗ୍ ରଇବାକେ ଚେସଟା କରା, ଆରିକେ ସୁକଲ୍ ନ ଅଇକରି ମାପୁରୁକେ ଦେକି ନାପାରଡ଼ । ୧୫ ଗଟେକ୍ ଲକ୍ ଆରିଗଟେକ୍ ଲକ୍‌କେ ଜାଗରଡ଼ କରାଆ । ଜେନ୍ତାରି କି ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟାନେଅନି କେ ପର୍‌କେ ନ ଜାଅଡ଼ । କାଇକେବଇଲେ ସେନ୍ତାରି ଲକ୍ ପିତା ପଲ୍ ଦାର୍‌ବା ଗଟେକ୍ ଗର୍ ପାରା ରଇସି ଆରି ବେସି ଲକ୍‌କେ ତାର୍ ବିସ୍ ସଙ୍ଗ୍ ଅଇରାନ୍ କର୍‌ସି । ୧୬ ଜାଗରଡ଼ା ରୁଆ, ତମର୍ ବିଡ଼ରେ କେ ମିସା ବେସିଆ କାମ୍ କରାନାଇ । ପର୍ମେସର୍‌କେ ବିସ୍‌ବାସ୍ ନ କରି ରଇବା ଏସ୍‌ଥ ପାରା ନ ଉଆ । ସେ ଗଟେକ୍ କାଦିରପାଇ ପର୍ମେସର୍ ସେ ପାଇସି ବଲି କାତା ଦେଇରଇବା ବଡ଼ ପିଲାର୍ ଅଦିକାର୍ ପାଲଟାଇଲା । ୧୭ ଆମେ ଜାନିଆରୁ ଜେ ସେ ସେନ୍ତାରି କଲାପତେ, କରିରଇବା କାମର୍ ପାଇ ଦୁକ୍ କଲା । କାଇକେବଇଲେ ବାବାର୍ ବଡ଼ ପଥ ଇସାବେ ତାର୍ ବାବାର୍ ଆସିରବାଦ୍ ପାଇବାକେ ବେସି ମନ୍ କଲା । ମାତର୍ ତାର୍ ସଙ୍ଗ୍ କାନ୍ଦିକରି ବାବୁଜିଆ କଲାମିସା, ସେ ମିଲାଇ ନାପାରଲା କି କରିରଇବା କାମ୍ ମିସା ବାଦ୍‌ଲେ ନାଇ ।

୧୮ ଇସରାଏଲର୍ ଲକ୍‌ମନ୍ ପର୍ମେସର୍‌ର ଲଗେ ଆଇଲାପାରା ତମେ ଆସାସ୍ ନାଇ । ସେମନ୍ ଜନ୍‌ଟା ଦେକ୍‌ଲାଇ, ସେଟା ଜାନିପାରଲାଇ । ସିନୟ୍ ପର୍‌ବତେ ରଇବା ଜଇ ଦେକ୍‌ଲାଇ । ବେସି ଆନ୍ଦାର୍ ଅଇଲାଟା ଆରି ଜବର୍ ପବନ୍ ଆଇଲାଟା ତେଇ ରଇକରି ଜାନିପାରଲାଇ । ୧୯ ମଇରି ପୁକ୍‌ବାଟା ଆରି ସବ୍‌ ଅଇବାଟା ସୁନ୍‌ଲାଇ । ସେ ସବ୍‌ ସୁନ୍‌ଲାକେ ଲକ୍‌ମନ୍ ଆରି ନ ସୁନ୍ ବଲି ବାବୁଜିଆ କଲାଇ । ୨୦ କାଇକେବଇଲେ ତେଇ ଦେଇରଇବା ଆଦେସ୍‌କେ ସେମନ୍ ବେସି ଡର୍‌ଲାଇ । “ଗଟେକ୍ ପସୁ ମିସା ସେ ପର୍‌ବତେ ପାଦ୍ ମାଣ୍ଡିଲେ ତାକେ ପାକ୍‌ନା ସଙ୍ଗ୍ ମାରି ମରାଇବାର୍ ଆଟେ ।” ବଲି ଆଦେସ୍ ରଇଲା । ୨୧ ଜନ୍‌ଟା ଦେକିଅଇଲା ଆରି ସୁନ୍

ଅଇଲା, ସେଟା ବେସି ଡର୍ ଲାଗିବାଟା ରଇଲା । ଜେନ୍ତାରି କି ମସା ମିସା କଇଲା, “ସତଇସେ ମୁଇମିସା ତରତରି କରି ଡର୍ଲିନି ।”

୨୭ ମାତର୍ ଏବେ ଆମେ ସିଅନ୍ ପରବତେ ଆସିଆରୁ । ସେଟା ଅଇଲାନି ସରଗେ ରଇବା ଜିରୁସାଲେମ୍ । ଜିବନ୍ ରଇବା ପରମେସରର୍ ନଅରେ ଆଇଲୁ ଆରୁ । ଜନ୍‌ଟାନେ କି ଅଜାର୍ ଅଜାର୍ ଦୁଡ଼ମନ୍ ଆଚଡ଼ । ୨୩ ପରମେସରର୍ ପଣ୍ଡୁଆ ପିଲାମନ୍ ସାରଦାସଙ୍ଗ୍ ରୁଣ୍ଡିରଇବା ଜାଗାଇ ଆମେ ଆଇଲୁଆରୁ । ତାକର୍ ନାଉଁମନ୍ ସରଗେ ଲେକାଅଇଲା ଆଚେ । ଆମେ ପରମେସରର୍ ଲଗେ ଆଇଲୁ ଆରୁ । ସେ ସବୁକେ ବିଚାର କରସି । ସେ ସିଦ୍ କରିରଇବା ଦରମଲକର୍ ଆଡ଼ମାନର୍ଟାନେ ଆଇଲୁ ଆରୁ । ୨୪ ଆରି ନୁଆ ରାଜିନାମା ତିଆର୍ କରିରଇବା ଜିସୁକିରିସ୍ଟର୍ ଲଗେ ଆଇଲୁଆରୁ । ସେ ତାର୍ ବନି ଜରାଇରଇଲା । ସେଟା ଏବଲର୍ ବନିଡେଇଅନି ନିକ ଆଚେ ।

୨୫ ଜନ୍‌ଟା ତମକେ ପରମେସର୍ କଇଲାନି, ନ ସୁନ୍‌ଲା ଲକର୍ପାରା ଉଆ ନାଇ । କାଇକେବଇଲେ ପରମେସରର୍ କାତା ନ ମାନିଲାକେ ଆମର୍ ଆନିଦାଦିମନ୍ ସିନୟ ପରବତେ ଡଣ୍ଡ ପାଇରଇଲାଇ । ଜନ୍ ଲକ୍ ଆମ୍‌କେ ସରଗେଅନି କଇଲାନି, ସେ କାତା ଆମେ ନ ସୁନିକରି ଏଲାକଲେ, କେଡେକ୍ ଅଦିକ୍ ଡଣ୍ଡ ପାଇରୁ ? ୨୬ କାଇକେବଇଲେ, ସିନୟ ପରବତେ ପରମେସର୍ କାତା ଅଇଲାବେଲେ, ଦରତନି ଚୁଲ୍‌ବୁଲିଗାଲା । ମାତର୍ ସେ ଏବେ କାତା ଦେଇ କଇଲା ଆଚେ, “ମୁଇ ଆରିତରେକ୍ ଦରତନିକେ ଚୁଲ୍‌ବୁଲାଇବି । ଅବ୍‌କା ଦରତନିସେ ନଏଁ, ଆକାସେ ରଇବା ସବୁଜାକକେ ମିସା କରବି ।” ୨୭ ଜେଡେବେଲେ ସେ ଆରିତରେକ୍ ବଲି କଇରଇଲା, ତାର୍ ଅରଡ଼ ଅଇଲାନି ତିଆର୍ କରିରଇବା ସବୁଜାକ ଚୁଲ୍‌ବୁଲାଇ କରି ସବୁଜାକ ଦାରିଜାଇସି । ଜେନ୍ତାରି କି ନ ଚୁଲ୍‌ବୁଲ୍‌ବାଟାସେ ରଇସି ।

୨୮ ସେଟାରପାଇ ଆମେ ପରମେସର୍‌କେ ଦନିଅବାଦ୍ ଦେଉଁ । କାଇକେବଇଲେ ସେ ଆମ୍‌କେ ସାସନ୍ କଲାନି । ଆରି ତାର୍ ରାଇଜ୍ ନ ଚୁଲ୍‌ବୁଲେ । ତାକେ ସାରଦା କରାଇବାକେ ଡରିକରି ସନ୍‌ମାନ୍ ସଙ୍ଗ୍ ଉପାସନା କରୁ । ୨୯ କାଇକେବଇଲେ ଆମର୍ ପରମେସର୍ ସବୁକେ ପଡାଇକରି କୁରୁପ୍‌ନାସ୍ କରବା ଜଇପାରା ଆଚେ ।

୧୩

ପରମେସ୍ୱରକେ ସନ୍ତୁଷ୍ଟକରୁ

୧ କିରିସ୍ତଟାନେ ମିସିବିଡ଼ି ରଇବା ବିସ୍ୱାସି ବାଇବଇନି ପାରା ଆଲାଦ୍ କରାକରି ଅଇ ରୁଆ । ୨ ନ ଚିନ୍ତା ଲକ୍ମନକେ ମିସା ତମର୍ ଗର୍ମନକେ ଡାକିନିଆ । କାଇକେବଇଲେ କେତେଲକ୍ ନାଜାନିକରି ସେନ୍ତାରି ଦୁତ୍ତମନକେ ଡାକିନେଲାଇ । ୩ ବନ୍ଦି ଗରେ ରଇବା ଲକ୍ମନକେ ତମେ ତାକର୍ ସଙ୍ଗ୍ ରଇଲାପାରା ଦୟା ଦେକାଆ । ଦୁକ୍କସ୍ତ ଅଇରଇବା ଲକ୍ମନକେ ନିଜେ ତାକର୍ପାରା ଦୁକ୍କସ୍ତ ପାଇଲୁନି ବଲି ଏତାଆ ।

୪ ବିବା ଅଇବାଟା ସବୁଲକ୍ ନିକ ବଲି ମାନଡ୍ । ସବୁ ମାଇଜିମନସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନସ୍ ଅଇକରି ସତ୍ତ୍ୱ ରଇବାର୍ଥାଟେ । ଜନ୍ ଲକ୍ମନ ବେସିଆ କାମ୍ କରି ରଇବାଇ, ସେମନକେ ପରମେସ୍ୱର ତଣ୍ଡୁ ଦେଇସି ।

୫ ତାବୁ ଆସା ଅଇକରି ତାର୍ପଟେ ପାଲାଆ ନାଇ । କାଇକେବଇଲେ ପରମେସ୍ୱର କଇଲାଆଟେ, “ମୁଇ ତମ୍ କେ କେବେ ନ ପାସ୍ରି କି ନ ଚାଡ଼ି ।” ୬ ତେବର୍ପାଇ ଆମେ ସାସ୍ ଦାରି କଇପାର୍ବୁ

ପରମେସ୍ୱର ଆକା ମକେ ସାଇଜ କର୍ସି,

ମୁଇ କେବେ ନ ଡରି

ଲକ୍ମନ ମକେ କାଇଟା କରି ନାପାରଡ୍ ।

୭ ଜନ୍ ଲକ୍ମନ ତମ୍ କେ ମୁକିଅ ଇସାବେ ଡାକିନେଇ ପରମେସ୍ୱର ବାକିଅ ସିକାଇତେରଇଲାଇ, ସେମନର୍ ବିସଇ ବାବିଦେକା । ସେମନ୍ କେନ୍ଦ୍ରି ଜିଇଲାଇ ଆରି ମଲାଇ ? ତମେ ତାର୍ ପାରା ବିସ୍ୱାସ୍ କରା । ୮ କାଇକେବଇଲେ, ଜିସୁକିରିସ୍ତ କେବେ ନ ବାଦ୍ଲେ । ସେ ଆଜିର୍ପାଇ, କାଲିକର୍ପାଇ, ଆରି ସବୁଦିନର୍ ପାଇ ସମାନ୍ ସେ ରଇସି । ୯ ତେବର୍ପାଇ ଲକ୍ମନ ତମ୍ କେ ବିନ୍ ବିନ୍ ସିକିଆ ସୁନାଇକରି ସତ୍ତ୍ୱବାଟେଅନି ବିନେ ନେବାକେ ରାଜି ଡଅାନାଇ । କାଇକେବଇଲେ ପରମେସ୍ୱର ଜିବନ୍ ଦୁକାଇକରି ଦୟା ଦେକାଇଲାଟା ଆମର୍ ମନକେ ଡାଟ୍ କର୍ସି । କାଦିର୍ ଲାଗି ରଇବା ନିୟମ୍ ମାନବାଟା ନର୍ସ । ସେନ୍ତାରି ନିୟମ୍ ମାନବା ଲକ୍, ତେଇ ଅନି କାଇଟା ମିସା ପାଅଡ୍ ନାଇ ।

୧୦ ଜିଉଦିମନର ବେଦିଟାନେ ସେବା କରବା ପୁଜାରିମନ୍ ତେଇ ସର୍ପି ଦେଇରଇବା କାଇଟା ମିସା କାଇବାର୍ ନର୍ଏ । ୧୧ ବଡ଼ ପୁଜାରି ପସୁମନର୍ ବନି ନେଇକରି, ପାପର୍ ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି । ମାତର୍ ପଡ଼ିଜାଇରଇବା ପସୁମନର୍ ଗାଗଡ଼ ତୁମ୍ ଗର୍ ବାଇରେ ରଇସି । ୧୨ ସେଟାସେ ଜିସୁକେ ଅଇରଇଲା । କାଇକେବଇଲେ, ତାକେ ନଅରର୍ ବାଇରେ ଲକ୍ମନ୍ ମରାଇରଇଲା । ଆରି ତାର୍ ବନି ଗୁଲାଇ ମୁନୁସ୍ ଜାତିର୍ ପାପ୍ ଦଇଦେଲା । ୧୩ ତେବର୍ପାଇ ନଅରର୍ ବାଇରେ ଜୁ । ଆରି ତାକେ ଆମେ ବିସବାସ୍ କଲାର୍ପାଇ, ଲକ୍ମନ୍ ଜେଡ଼କି ନିନ୍ଦା କଲାଟା ଆମେ ମୁରକିକରି ରଉ ।

୧୪ କାଇକେ ବଇଲେ ଆମେ ସବୁଦିନ୍ ଏ ଜଗତେ ନ ରଉ । ମାତର୍ ଆଇବା ଦିନମନକେ କେବେ ନ ସାର୍ବା ଦିନଜାକ ରଇବା ନଅରେ ରଇବୁ ବଲି ଆମେ ଜାଗିଆରୁ । ୧୫ ତେବେ ଆସା । ଜିସୁକିରିସଟକେ ଦେଇକରି ଆମେ ସବୁବେଲେ ପର୍ମେସର୍କେ ବଲି ସର୍ପି ଦେଇତେ ରଉ । ସେଟା ଆମର୍ ଟଣ୍ଡେଅନି ଆଇବା ଉପାସନା । ସେ ଆକା ମାପ୍ଟୁ ବଲି ଆମେ କର୍ଡ଼ । ୧୬ ନିକ କାମ୍ କରବାକେ ପାସରା ନାଇ । ଗଟେକ୍ ଲକ୍ ଆରି ଗଟେକ୍ ଲକ୍କେ ସାଇଜ କରା । କାଇକେବଇଲେ, ଏଡ଼ାରି ରଇବା ଚଲାର୍ଲତି ପର୍ମେସର୍କେ ସାର୍ଦା କରାଇବା ଗଟେକ୍ ବଲି ।

୧୭ ତମର୍ ମୁକିଅ ଲକ୍ମନର୍ କାତା ମାନିକରି ଆଦେସ୍ ଦେଲାଟା କରା । ସେମନ୍ ଜାଗୁଆଲ୍ମନର୍ ପାରା ନ ତାକିକରି ତମର୍ ଆଡ଼ମାମନକେ ଜତନ୍ କଲାନି । କାଇକେବଇଲେ ସେମନ୍କେ ତାକର୍ କିରିରଇବା କାମ୍ ପର୍ମେସର୍ କେ ଇସାବ୍ ଦେବାକେ ପଡ଼ସି । ତମେ ଜଦି ତାକର୍ କାତା ମାନସା, ସେମନ୍ ସାର୍ଦା ସଙ୍ଗି ସେବା କାମ୍ କରବାଇ । ତମେ ତାକର୍ କାତା ନ ମାନଲେ, ସେମନ୍ ତୁକ୍ ଅଇବାଇ । ତେବେ ତମକେ କାଇ ସାଇଜ ନର୍ଏ ।

୧୮ ଆମର୍ ପାଇ ପାର୍ତନା କର୍ତେରୁଆ । ଆମର୍ ବିବେକ୍ ଆମେ କିରିରଇବା କାମ୍ ସଡ଼ ବଲି ସାକିଦେଲାନି । ୧୯ ମର୍ପାଇ ମିସା ପାର୍ତନା କରା । ଜେଡ଼ାରି କି ପର୍ମେସର୍ ଦାପ୍ରେ ମକେ ତମର୍ଲଗେ ପାଟାଇସି ।

ସାରାସାରିର ପାରତନା

୨୦ ଆମର ମାପରୁ ଜିସୁକେ ପର୍ଯ୍ୟନ୍ତ ମଲାତେଇଅନି ଉଚ୍ଚାଲିଲା । ସେ ଗଟେକ୍ ଗଉଡ଼ପାରା ଆମ୍ଭଙ୍କେ ଜାଗିରଇସି । ଆମେ ପର୍ଯ୍ୟନ୍ତ ସଙ୍ଗ୍ ସବୁଦିନରପାଇ ଗଟେକ୍ ଅଇବାଟାକେ ତାର ବନି ଜରାଇଲା । ୨୧ ଜିସୁକିରିସ୍ତର ଲାଗି ସାନ୍ତି ଦେବା ପର୍ଯ୍ୟନ୍ତ ତମ୍ଭଙ୍କେ ସବୁ ରକାମର ସାଇଜ ଦେଅ । ଜେନ୍ତାରି କି ସେ ମନ୍ କଲାଟା ତମେ ପୁରାପୁରୁନ୍ କର୍ଯା । ଆମେ କର୍ବା କାମ୍ ତାକେ ସାରଦା ଦେଅ । ଜିସୁକିରିସ୍ତକେ ଆମେ ନ ସାରବା ଦିନଜାକ ଡାକ୍ପୁଟା ଦେଉଁ ।

ସେସ୍ କାତା

୨୨ ଏ ମର ବାଇବଇନିମନ୍, ମୁଇଁ ତମ୍ଭଙ୍କେ ବାରୁଜିଆ କଲିନି, ମୁଇଁ ତମ୍ଭଙ୍କେ କଇଲା ଏ ସବୁ କାତା ମୁରଟିକରି ସୁନା । କାଇକେବଇଲେ, ଏ ଚିଟି ବେସି ତେଙ୍ଗ୍ ନାଇ । ୨୩ ଆମର ବାଇ ତିମତି ବନ୍ଦିଗରେ ଅନି ମୁକ୍ତି ଆଚେବଲି ଜାନ୍ସା । ସେ ଜଦି ସେ ଦାପ୍ରେ ଆଇସି, ତେବେ ମରସଙ୍ଗ୍ ତାକେ ଡାକିଆନ୍ବି ।

୨୪ ତେଇ ରଇବା ତମର ମୁକ୍ତି ଲକ୍ମନ୍ତକେ ଆରି ପର୍ଯ୍ୟନ୍ତ ସବୁ ଲକ୍ମନ୍ତକେ ମର ଜୁଆର ଜାନାଇ ଦିଆସ୍ । ଇଟାଲିତେଇ ମର ସଙ୍ଗ୍ ରଇବା ଆମର ବାଇବନିମନ୍ ମିସା ଜୁଆର ଜାନାଇଲାଇନି ।

୨୫ ପର୍ଯ୍ୟନ୍ତ ତମ୍ଭଙ୍କେ ସବୁଲକ୍ମନ୍ତକେ ତାର ଜିବନ୍ ଦୁକାଇ ଦୟା ଦେକାଅ ।

ସତ୍ତ୍ୱିୟ ବାବ୍
The New Testament in the Desiya language of India:
ସତ୍ତ୍ୱିୟ ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱିୟ ବାବ୍
ଦ୍ୱିତୀୟ ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde